






二百廿五





今文尚書經說攷自序

書之所起遠矣至孔子纂焉上斷自堯典下訖於秦誓凡百篇而爲之序斯固唐虞夏商周歷代之典而百王之大經大法所昭垂於萬世者也秦燔書禁學伏生獨抱遺編壁藏之漢定求其書亡數十篇僅得二十九篇以教於齊魯之間孝文帝時欲求治尚書者天下無有乃聞伏生能治欲召之是時伏生年九十餘矣不能行於是詔太常使掌故鼂錯往受之學者由是頗能言尚書諸山東大師無不涉尚書以教矣伏生授沛南張生及歐陽生歐陽生世世相傳謂之歐陽氏學夏侯都尉從張生受尚書以傳族子始昌始昌傳勝是爲大夏侯學勝又傳從兄子建是爲小夏侯學三家之學皆伏生今文尚書也武帝褒顯

儒術建立五經置爲博士始尙書惟有歐陽其後學者精進雖
曰承師亦別名家宣帝以爲去聖久遠學不厭博故遂立大小
夏侯博士所以扶進微學尊廣道藝也三家竝立迄漢東京相
傳不絕初漢武帝時魯恭王壞孔子宅得古文尙書於壁中孔
安國以今文讀之因以起其家逸書得多十六篇天漢之後獻
之遭巫蠱倉卒之難未及施行平帝立古文尙書不久旋廢後
漢扶風杜林傳古文尙書同郡賈逵爲之作訓馬融作傳鄭元
亦爲之注晉世秘府所存尙有古文尙書經及永嘉之亂遂與
歐陽大小夏侯尙書並亡夫歐陽夏侯立學四五百年忽遭蕩
滅故牛宏歷陳古今書籍之厄以劉石憑陵京華覆滅爲書之
四厄然攷新舊唐書藝文志均載馬鄭所注尙書之本是宋南

渡以前馬鄭本固存也如使當日有信而好古者網羅散佚列
之國學俾學者肄業及之則馬鄭所注之古文二十九篇卽伏
生所傳今文二十九篇雖文字不無異同訓誼不無殊別然參
觀互證猶可得其緒餘則三家之學雖亡而不至盡亡也何意
僞傳一出江左崇尙於前唐人尊信於後馬鄭之注遂卽湮沒
而歐陽夏侯之學乃絕無可尋矣我

朝崇儒重道經學昌明士之稽古者皆知旁搜遠紹扶微學而
尋墜緒不以譏陋自安而漢儒之經學遂隆於時近儒如閻徵
士若璩之古文尙書疏證惠徵士棟之古文尙書攷王光祿鳴
盛之尙書後案江處士聲之尙書集注音疏證以叔重說文輔
以季長傳誼皆以鄭學爲宗取僞孔之傳辭而闕之黜其贗而

存其真古文尙書之學藉以不絕於一綫孫觀察星衍尙書古
今文注疏段大令玉裁古文尙書撰異閒緝今文與古文異同
然於歐陽大小夏侯顓門之學三家師說之異同者又不暇致
詳也曩者先大夫傷古經之淆亂閱今學之淪亡撰伏生尙
書大傳定本稽覈羣書據依而爲之案三卷首爲序錄一
卷其所芟除別爲訂誤一卷又載漢書五行志綴以他書所引
劉氏五行傳論三卷總爲八卷序而行之又欲著歐陽夏侯經
說攷而未果爲也嘗謂喬樅曰孔安國得壁中古文多逸書十
六篇絕無師說終漢之世獨傳二十九篇而已何則二十九篇
今文具存文字異者不過數百其餘與古文大旨略均足相推
據逸十六篇既無今文可攷遂莫能盡通其義凡古文易書詩

禮論語孝經所以傳悉由今文爲之先驅今文所無輒廢古春
秋左氏傳賴張蒼先修其業故傳禮古經五十六卷傳士禮十
七篇與后戴同而三十九篇逸禮竟亡書亦猶是也尙微伏生
則唐虞三代典謨詰命之經煙消灰滅萬古長夜夫天爲斯文
篤生名德期頤之壽以昌大道豈偶然哉尙書三家今文名守
師法皆傳伏生之業者苟能夠攷佚文得其單辭片義以尋三
家今文千數百年不傳之緒使百世之下猶知當日幸有三家
今文賴以維持聖經於不墜則豈徒足以延絕學而廣異義云
爾哉喬樅敬承庭訓識之勿敢忘曩嘗搜討羣書稽求佚義綴
緝頗具梗概麤陳願以宦海浮沈日月逾邁恆以不克繼志爲
懼今春免官遂杜門下帷迺錄舊藁重復研尋成歐陽夏侯經

說攷一卷今文尙書序錄一卷今文尙書經說攷三十三卷凡
 所采摭經史傳注及諸子百家之說實事以求是必溯師承沿
 流以討源務隨家法而參詳考校則亦有取於馬鄭之傳注爲
 之旁證而引伸之前後屢更寒暑而後卒業焉庶求無負昔日
 趨庭之訓焉爾是爲序昔同治元年歲在元黓闡茂月在塞侯
 官陳喬樞樸園甫書于江右僑寓

今文尙書經說攷目錄

侯官陳喬樞樸園著

堯典第一

虞夏書一

唐書

今文尙書

舜典第二

虞夏書二

虞書一

孔氏逸書一

汨作第三

虞夏書三

虞書二

孔氏逸書二

九共一第四

虞夏書四

虞書三

孔氏逸書三

九共二第五

虞夏書五

虞書四

孔氏逸書四

九共三第六

虞夏書六

虞書五

九共四第七

孔氏逸書五

虞夏書七

虞書六

孔氏逸書六

九共五第八

虞夏書八

虞書七

孔氏逸書七

九共六第九

虞夏書九

虞書八

孔氏逸書八

九共七第十

虞夏書十

虞書九

孔氏逸書九

九共八第十一

虞夏書十一

虞書十

孔氏逸書十

九共九第十二

虞夏書十二

虞書十一

孔氏逸書十一

橐飶第十三

虞夏書十三

虞書十二

大禹謨第十四

虞夏書十四

虞書十三

孔氏逸書十二

臯陶謨第十五

虞夏書十五

虞書十四

今文尙書二

棄稷第十六

虞夏書十六

虞書十五

孔氏逸書十三

禹貢第十七

虞夏書十七

夏書一

今文尚書三

甘誓第十八

虞夏書十八

夏書二

今文尚書四

五子之歌第十九

虞夏書十九

夏書三

孔氏逸書十四

允征第二十

虞夏書二十

夏書四

孔氏逸書十五

帝告第二十一

商書一

釐沃第二十二

商書二

湯征第二十三

商書三

女鳩第二十四

商書四

女房第二十五

商書五

夏社第二十六

商書六

疑至第二十七

商書七

臣扈第二十八

商書八

湯誓第二十九

商書九

今文尚書五

仲虺之誥第三十

商書十

湯誥第三十一

商書十一

孔氏逸書十六

咸有一德第三十二

商書十二

典寶第三十三

孔氏逸書十七
商書十三

明居第三十四

孔氏逸書十八
商書十四

伊訓第三十五

商書十五

肆命第三十六

孔氏逸書十九
商書十六

祖后第三十七

孔氏逸書二十
商書十七

太甲上第二十八

商書十八

太甲中第二十九

商書十九

太甲下第四十

商書二十

沃丁第四十一

商書二十一

咸父一第四十二

商書二十二

咸父二第四十三

商書二十三

咸父三第四十四

商書二十四

咸父四第四十五

商書二十五

大戊第四十六

商書二十六

伊陟原命第四十七

商書二十七

中丁第四十八

孔氏逸書二十一
商書二十八

河亶甲第四十九

商書二十九

祖乙第五十

商書三十

般庚上第五十一

商書三十一

今文尙書六合三篇爲一卷

般庚中第五十二

商書三十二

般庚下第五十三

商書三十三

說命中第五十四

商書三十四

說命中第五十五

商書三十五

說命中第五十六

商書三十六

高宗彤日第五十七

商書三十七

今文尙書七

高宗之訓第五十八

商書三十八

西伯伐耆第五十九

商書三十九

今文尙書八

微子第六十

商書四十

今文尙書九

太誓上第六十一

周書一

今文尙書亡武帝時以三篇附入

太誓中第六十二

周書二

太誓下第六十三

周書三

牧誓第六十四

周書四

今文尙書十

武成第六十五

周書五

皇清經義

今文尙書經說攷目錄

鴻範第六十六

孔氏逸書二十二
周書六

分器第六十七

今文尙書十一
周書七

旅獒第六十八

周書八

旅巢命第六十九

孔氏逸書二十三
周書九

大誥第七十

周書十

金縢第七十一

今文尙書十二
周書十一

微子之命第七十二

周書十二

歸禾第七十三

周書十三

嘉禾第七十四

周書十四

康誥第七十五

周書十五

酒誥第七十六

今文尙書十四
周書十六

梓材第七十七

今文尙書十五
周書十七

召誥第七十八

今文尙書十六
周書十八

今文尙書十七

三行經解續編

今文尙書經說攷目錄

雜詁第七十九

周書十九

今文尙書十八

多士第八十

周書二十

今文尙書十九

毋佚第八十一

周書二十一

今文尙書二十

君奭第八十二

周書二十二

今文尙書二十一

成王政第八十三

周書二十三

將蒲姑第八十四

周書二十四

多方第八十五

周書二十五

今文尙書二十二

周官第八十六

周書二十六

立政第八十七

周書二十七

今文尙書二十三

賄息慎命第八十八

周書二十八

亳姑第八十九

周書二十九

君陳第九十

周書三十

顧命第九十一

周書三十一

今文尙書二十四

康王之誥第九十二

周書三十二

今文尙書合顧命為一篇

皇清經解續編

今文尙書經說攷目錄

畢命第九十三

周書三十三

君牙第九十四

孔氏逸書二十四

栗命第九十五

周書三十四

蔡仲之命第九十六

周書三十五

鮮誓第九十七

周書三十六

甫刑第九十八

周書三十七

文侯之命第九十九

今文尚書二十五

秦誓第一百

周書二十八

周書二十九

今文尚書二十六

周書三十九

今文尚書二十七

周書四十九

今文尚書二十八

今文尚書二十九


武帝時得秦誓付博士合入今文尚書中


亦稱二十九

篇而敘在外

今文尚書二十九

武帝時得秦誓付博士合入今文尚書中





今文尙書敘錄

侯官陳喬樞樸園著

漢書藝文志尙書經二十九卷 大小夏侯二家 歐陽經三

十二卷 師古曰此二十九卷伏生傳授者 傳四十一篇 歐陽章句三十一

卷 大小夏侯章句各二十九卷 大小夏侯解故二十九篇

歐陽說義二篇 劉向五行傳記十一卷 許商五行傳記

一篇 宣帝時石渠論章昭曰閣名也於此論書 劉向稽疑一篇

又曰易曰河出圖雒出書聖人則之故書之所起遠矣至孔子

纂焉上斷於堯下訖於秦凡百篇而為之序言其作意秦燔書

禁學濟南伏生猶壁藏之漢興亡失求得二十九篇以教齊魯

之間訖孝宣世有歐陽大小夏侯氏立於學官古文尙書者出

皇清經解續編 今文尙書敘錄

孔子壁中武帝末魯共王壞孔子宅欲以廣其宮而得古文尚書及禮記論語孝經凡數十篇皆古字也其王往入其宅聞鼓琴瑟鐘磬之音於是懼乃止不壞孔安國者孔子後也悉得其書以考二十九篇得多十六篇師古曰壁中書多以考見行世二十九篇之外更得十六篇安國獻之遭巫蠱事未列於學官劉向以中古文校歐陽大小夏侯三家經文酒誥脫簡一召誥脫簡二率簡二十五字者脫亦二十五字簡二十二字者脫亦二十二字文字異者七百有餘脫字數十書者古之號令號令於眾莫言不立具則聽受施行者弗曉古文讀應爾雅故解古今語而可知也

伏生

史記儒林傳伏生

張晏曰伏生名勝伏氏碑云

濟南人也故為秦博士孝文

帝時欲求能治尚書者天下無有乃聞伏生能治欲召之是時伏生年九十餘老不能行於是乃詔太常使掌故朝錯往受之秦時焚書伏生壁藏之其後兵大起流亡漢定伏生求其書亡數十篇獨得二十九篇即以教於齊魯之間學者由是頗能言尚書諸山東大師無不涉尚書以教矣伏生教濟南張生及歐陽生歐陽生教千乘兒寬兒寬既通尚書以文學應郡舉詣博士受業孔安國張生亦為博士而伏生孫以治尚書徵自此之後魯周霸孔安國雒陽賈嘉頗能言尚書事孔氏有古文尚書而安國以今文讀之因以起其家逸書得十餘篇蓋尚書滋多於是矣

案漢書儒林傳同顏師古注引衛宏定古文尚書序曰伏生

老不能正言言不可曉也使其女傳言教錯齊人語多與穎川異錯所不知者凡十二三畧以其意屬讀而已師古注又云嘉者賈誼之孫也

伏生女

伏生孫

鼂錯

史記列傳鼂錯者穎川人也以文學為太常掌故孝文帝時天下無治尚書者獨濟南伏生故秦博士治尚書年九十餘老不可徵乃詔太常使人往受之太常遣錯受尚書伏生所還因上便宜事以書稱說詔以為太子舍人門大夫家令數上書孝文時言削諸侯事及法令可更定者書數十上孝文不聽然奇其材遷為中大夫景帝即位以錯為內史遷御史大夫

案漢書鼂錯傳言錯由門大夫遷博士則錯為學官時當是以所受伏生尚書教授弟子員也

周霸

賈嘉 均見史記漢書儒林傳

歐陽生

漢書儒林傳歐陽生字和伯千乘人也事伏生授兒寬寬又受業孔安國至御史大夫寬有俊材初見武帝語經學上曰吾始曰尚書為樸學弗好及聞寬說可觀迺從寬問一篇歐陽大小

夏侯氏學皆出於寬寬授歐陽生子世世相傳至曾孫高子陽為博士 師古曰名高字子陽高孫地餘長賓呂太子中庶子授太子後為

皇清經解編 今文尚書敘錄

博士論石渠元帝卽位地餘侍中貴幸至少府地餘少子政爲
王莽講學大夫由是尙書世有歐陽氏學

歐陽生子

歐陽高

歐陽地餘

歐陽政

以上均見前

孔安國

兒寬

漢書列傳兒寬千乘人治尙書事歐陽生以郡國選詣博士受
業孔安國貧無資用嘗爲弟子都養時行賃作帶經而鋤休息
輒讀誦其精如此以射策爲掌故功次補廷尉文學卒史會廷

尉時有疑奏已再見卻矣廷尉張湯上寬所作奏卽時得可以
寬爲奏讞椽以古法義決疑獄甚重之舉侍御史見上語經學
上說之從問尙書一篇擢爲中大夫遷左內史及議欲放古巡
狩封禪之儀拜寬爲御史大夫從東封泰山後太史令司馬遷
等言厯紀壞廢漢興未改正朔宜可正上乃詔寬與遷等共定
漢太初厯居位九歲以官卒

孔延年

見漢書孔光傳

司馬遷

案遷嘗從孔安國問尙書孔氏家世傳業安國延年皆以治
尙書爲武帝博士安國得壁中書後始治古文先實通今文
尙書則遷之兼習古今文從可知矣

蘭卿 見漢書藝文志及夏侯勝傳

林尊 書然先帝御士

漢書儒林傳林尊字長賓濟南人也事歐陽高為博士論石渠後至少府太子太傅授平陵平當梁陳翁生當至丞相翁生信都太傅家世傳業由是歐陽有平陳之學翁生授瑯琊殷崇楚國龔勝崇為博士勝右扶風而平當授九江朱普文公上黨鮑宣普為博士宣司隸校尉徒厭尤盛知名者也

平當
漢書列傳平當字子思少為大行治禮丞功次補大鴻臚文學察廉為順陽長柵邑令以明經為博士公卿薦當論議通明給事中每有災異當輒附經術言得失文雅雖不能及蕭望之匡

衡然指意略同遷丞相司直案遷長信少府光祿勳左遷鉅鹿

太守當以經明禹貢使行河 師古曰尚書禹貢載禹治水次第山川高下當明此經故使行河也

為騎都尉領河隄哀帝即位徵當為光祿大夫諸吏散騎復為

光祿勳御史大夫至丞相以冬月賜爵關內侯子晏以明經歷

位大司徒封防鄉侯漢興唯韋平父子至宰相

平晏

朱普 均見前

鮑宣

漢書列傳鮑宣字子都渤海高城人也好學明經舉孝廉為郎

哀帝初大司空何武薦宣為諫大夫常上書諫爭其言少文多

實主以宣名儒優容之拜宣為司隸坐距閉使者下廷尉獄博

士弟子濟南王咸舉幡太學下曰欲救鮑司隸者會此下諸生會者千餘人守闕上書上遂抵宣罪減死一等髡鉗平帝卽位王莽秉政陰有篡國之心乃颶州郡以擧法案誅漢忠直臣不附已者宣及何武等皆死世祖卽位兩龔鮑宣子孫皆見褒表至大官

陳翁生

殷崇

均見前

龔勝

漢書列傳兩龔皆楚人也勝字君賓舍字君倩二人相友並著名節故世謂之楚兩龔少皆好學明經勝爲郡吏舍不仕大司空何武執金吾閭崇薦勝哀帝自爲定陶王固已聞其名徵爲

諫大夫引見勝薦龔舍皆爲諫大夫勝數上書求見言百姓貧盜賊多吏不良風俗薄災異數見不可不憂制度泰奢刑罰泰深賦斂泰重宜以儉約爲先遷丞相司直徙光祿大夫守右扶風王莽秉政勝乞骸骨歸老於鄉里王莽拜勝爲講學祭酒稱疾不應徵死時七十九矣

案勝舍同族相友本傳稱舍通五經以魯詩教授雖不言其與勝同受尚書然舍以勝薦曾復徵爲博士其於尚書當亦與勝同習歐陽之學也

張生

夏侯都尉

夏侯始昌

皇清經解續編

今文尚書敘錄

夏侯勝

夏侯建

漢書儒林傳夏侯勝其先夏侯都尉從濟南張生受尚書呂傳族子始昌始昌傳勝勝又事同郡蘭卿蘭卿者兒寬門人勝傳從兄子建建又事歐陽高勝至長信少府建太子太傅由是尚書有大小夏侯之學

漢書列傳夏侯始昌魯人也通五經以齊詩尚書教授自董仲舒韓嬰死後武帝得始昌甚重之始昌明於陰陽先言柏梁臺災日至期日果災時昌邑王以少子愛上爲選師始昌爲太傅年老以壽終族子勝亦以儒顯名

夏侯勝字長公東平人勝少孤好學從始昌受尚書及洪範五

行傳說災異後事蘭卿

師古曰姓蘭名卿音姦

又從歐陽氏問爲學精熟

所問非一師也善說禮服徵爲博士光祿大夫會昭帝崩昌邑王嗣立數出勝當乘輿前諫曰天久陰不雨臣下有謀上者陛下出欲何之王怒謂勝爲祇言縛以屬吏吏白大將軍霍光光不舉法召問勝勝對言在洪範傳曰皇之不極厥罰常陰時則下人有伐土者惡察察言故云臣下有謀光大驚以此益重經術士後十餘日太后廢昌邑王尊立宣帝光以爲羣臣奏事東宮太后省政宜知經術白合勝用尚書授太后遷長信少府賜爵關內侯以與謀廢立定策安宗廟益千戶宣帝初卽位欲褒先帝詔羣臣大議廷中勝獨曰不宜爲立廟樂於是丞相御史大夫劾奏勝非議詔書勝及丞相長史黃霸俱下獄勝霸旣久

繫霸欲從勝受經勝辭以罪死霸曰朝聞道夕死可矣勝賢其言遂授之繫再更冬講論不怠至四年夏關東四十九郡同日地動咸山崩壞城郭室屋因大赦勝出為諫大夫給事中霸為揚州刺史勝復為長信少府遷太子太傅受詔撰尚書論語說年九十卒官太后為勝素服五日以報師傅之恩儒者以為榮勝從父子建字長卿師古曰從父昆弟之子名建字長卿自師事勝及歐陽高左右采獲師古曰言於勝及高兩處采問疑義而得之又從五經諸儒問與尚書相出入者牽引以次章句具文飾說勝非之曰楚所謂章句小儒破碎大道建亦非勝為學疏畧難以應敵建卒自顯門名經為議郎博士至太子少傅勝子兼為左曹太中大夫孫堯至長信少府司農鴻臚曾孫蕃郡守州牧長樂少府勝同產弟子賞為梁

內史子定國為豫章太守而建子千秋亦為少府太子少傅

夏侯兼

夏侯堯

夏侯蕃

夏侯賞

夏侯定國

夏侯千秋

均見前

黃霸

漢書列傳黃霸字次公淮陽陽夏人也武帝末以待詔補侍郎謁者曰廉稱為河南太守丞宣帝即位聞霸持法平召以為廷尉正守丞相長史坐公卿大議廷中知長信少府夏侯勝非議

皇清系角系
今文尚書敘錄
詔書霸阿從不舉劾皆下廷尉繫獄當死霸因從勝受尚書獄
中再隄冬積三歲迺出勝出復爲諫大夫薦霸於上擢揚州刺
史三歲爲潁川太守治爲天下第一徵守京兆尹坐劾乏軍興
連貶秩有詔歸潁川太守官前後八年郡中愈治天子以霸治
行終長者下詔稱揚賜爵關內侯徵霸爲太子太傅遷御史大
夫五鳳五年代邴吉爲丞相封建成侯

周堪

孔霸

漢書儒林傳周堪字少卿齊人也與孔霸俱事大夏侯勝霸爲
博士堪譯官合論於石渠經爲最高後爲太子少傅而孔霸曰
太中大夫授太子及元帝卽位堪爲光祿大夫與蕭望之竝領

尚書事爲石顯等所譖皆免官望之自殺上愍之遷擢堪爲光
祿勳堪授牟卿及長安許商長伯牟卿爲博士霸曰帝師賜爵
號褒成君傳子光亦事牟卿至丞相由是大夏侯有孔許之學
商善爲算著五行論歷四至九卿號其門人沛唐林子高爲德
行平陵吳章偉君爲言語重泉王吉少音爲政事齊快欽幼卿
爲文學王莽時林吉爲九卿自表上師豕大夫博士郎吏爲許
氏學者各從門人會車數百兩儒者榮之欽章皆爲博士徒眾
尤盛

孔光

漢書列傳孔光字子夏孔子十四世之孫也孔子生伯魚鯉鯉
生子思伋伋生子上帛帛生子家求求生子真箕箕生子高穿

穿生順順為魏相順生鮒鮒為陳涉博士鮒弟子襄為孝惠博
 士長沙太傅襄生忠忠生武及安國武生延年延年生霸字次
 孺霸生光焉安國延年皆以治尚書為武帝博士安國至臨淮
 太守霸亦治尚書事太傅夏侯勝昭帝末年為博士宣帝時為
 太中大夫以選授皇太子經遷詹事高密相元帝即位徵霸以
 師賜爵關內侯食邑八百戶號褒成君如淳曰為帝師教令
成就故曰褒成君給
 事中上欲致霸相位霸讓位自陳至三上深知其至誠迺弗用
 以是敬之及霸薨上素服臨弔者再至賜東園秘器錢帛策贈
 以列侯禮諡曰烈君霸四子長子福嗣關內侯次子捷捷弟喜
 皆列校尉諸曹光最少子也經學尤明年未二十舉為議郎光
 祿勳轉為僕射尚書令領尚書事凡典樞機十餘年守法度修

故事上有所問據經法以心所安而對不希指苟合拜丞相博
 山侯光凡為御史大夫丞相各再一為大司徒太傅太師歷三
 世居公輔位前後十七年自為尚書止不教授後為卿時會門
 下諸生講問疑難舉大義云其弟子多成就為博士大夫者年
 七十元始五年薨太后使九卿策贈以太師博山侯印綬賜乘
 輿秘器金錢雜帛少府供張諡曰簡烈侯子放嗣光兄子永為
 大司馬封侯昆弟子至卿大夫四五人始光父霸上書求奉孔
 子祭祀元帝下詔曰其令師褒成君關內侯霸以所食邑八百
 戶祀孔子焉故霸還長子福名數於魯奉夫子祀霸薨子福嗣
 福薨子房嗣房薨子莽嗣元始元年封周公孔子後為列侯食
 邑各二千戶莽更封為褒成侯後避王莽更名均

孔福 字子孫 魯人 魯哀公十四年春西狩獲麟孔子作春秋至此而絕筆

孔捷 字子孫 魯人 魯哀公十四年春西狩獲麟孔子作春秋至此而絕筆

孔喜 字子孫 魯人 魯哀公十四年春西狩獲麟孔子作春秋至此而絕筆

孔放 字子孫 魯人 魯哀公十四年春西狩獲麟孔子作春秋至此而絕筆

孔永 字子孫 魯人 魯哀公十四年春西狩獲麟孔子作春秋至此而絕筆

孔房 字子孫 魯人 魯哀公十四年春西狩獲麟孔子作春秋至此而絕筆

孔均 均見前

案霸有四子傳言光經學尤明則其三兄亦通經可知也漢世人最重家法大夏侯尚書有孔許之學則自放及承以下皆世傳尚書又可知也

許商

唐林

吳章

王吉

炅欽

張山拊

漢書儒林傳張山拊字長賓平陵人也事小夏侯建為博士論

石渠至少府授同縣李尋鄭寬中少君山陽張無故子儒信都

秦恭延君陳留假倉子驕無故善修章句為廣陵太傅守小夏

侯說文恭增師法至百萬言師古曰善小夏侯本所說之文不

也為城陽內史倉呂謁者論石渠至膠東相尋善說災異為騎

都尉寬中有雋才曰博士授太子成帝卽位賜爵關內侯食邑八百戶遷光祿大夫領尚書事甚尊重會疾卒谷永上疏曰爲宜加其葬禮賜之令諡曰章尊師喪賢顯功之德上弔贈寬中甚厚由是小夏侯有鄭章秦假李氏之學寬中授東郡趙玄無故授沛唐尊恭授魯馮賓賓爲博士尊王莽太傅玄哀帝御史大夫至大官知名者也

李尋

漢書列傳李尋字子長平陵人也治尚書與張孺鄭寬中同師寬中等守師法教授尋獨好洪範災異又學天文月令陰陽事丞相翟方進亦善爲星麻除尋爲吏數爲翟侯言事帝舅曲陽侯王根爲大司馬票騎將軍厚遇尋是時多災異根輔政數虛

已問尋尋見漢家有中衰厄會之象其意以爲且有洪水爲災

乃說根宜急博求幽隱拔擢天士

李奇曰天士知天道者也

任以大職請徵

韓放

服虔曰姓名也澆水

掾周敞王望可與圖之根於是薦尋哀帝初卽

位召尋待詔黃門使極言毋有所諱上雖不從尋言然采其語每有非常輒問尋尋對屢中遷黃門侍郎以尋言且有水災故拜尋爲騎都尉使護河隄哀帝初立司隸校尉解光亦以明經通災異得幸與尋白夏賀良等皆待詔黃門數召見陳說漢歷中衰當更受命宜急改元易號遂從賀良等議以建平二年爲太初元年號曰陳聖劉太平皇帝賀良等復欲妄變政事大臣爭呂爲不可許上遂下賀良等吏賀良等皆伏誅尋及解光減死一等徙敦煌郡

鄭寬中見漢書儒林傳

張孺即張無故字孺者見前

秦恭

假倉

趙玄

唐尊

馮賓

以上均見漢書儒林傳中

漢書儒林傳贊曰自武帝立五經博士開弟子員設科射策勸以官祿訖於元始百有餘年傳業者寢盛支葉蕃滋一經說至百餘萬言大師眾至千餘人蓋祿利之路然也初書唯有歐陽至孝宣帝復立大小夏侯尚書至元帝世復立古文尚書所以

罔羅遺失兼而存之是在其中矣

世祖光武

許子威

後漢書光武帝紀世祖之長安受尚書畧通大義

東觀記曰世祖受尚書於中大夫廬江許子威資用乏絕與同

舍生韓子合錢令從者儲以給諸公費

顯宗孝明

後漢書帝紀顯宗事博士桓榮學通尚書

肅宗孝章

後漢書帝紀建初十一年詔下太常將大夫博士議郎郎官及諸生諸儒會白虎觀講議五經同異使五官中郎將魏應承制

問侍中滄于恭奏帝親稱制臨決如孝宣甘露石渠故事作白
虎議奏今白虎通

案桓郁傳言永平十五年入授皇太子經數進忠言多見納
錄是章帝於尚書習歐陽氏之學也

孝和

後漢書帝紀永元十三年春帝幸東觀覽書林閱篇籍博選藝
術之士呂充其官

案桓郁傳和帝即位富於春秋侍中竇憲欲令少主頗涉經
學上疏皇太后曰郁授先帝經行篤備宜令郁入教授由是
郁復入侍講教授二帝恩寵甚篤是和帝於尚書亦習歐陽
之學也

孝安

後漢書帝紀永初四年詔謁者劉珍及五經博士校定東觀五
經諸子傳記百家藝術整齊脫誤是正文字

案桓焉傳言永初元年焉入授安帝是安帝於尚書習桓君
大小章句也又本紀云元初六年春始立六宗祀於洛城西
北續漢志亦云元初六年以尚書歐陽家說謂六宗者在天
地四方之中為上下四方之宗以元始中故事謂六宗易六
子之氣日月雷公風伯山澤者非也乃更六宗祠於戌亥之
地禮比大社也是亦用歐陽尚書說定六宗之祀

孝順

後漢書帝紀陽嘉元年夏呂太學新成試明經下第者補弟子

增甲乙員各十人除郡國耆儒九十人補郎舍人

案桓焉傳言永甯中順帝立為皇太子曰焉為太子少傅月

餘遷太傅順帝即位拜太傅復入授禁中是順帝於尚書亦

習桓君大小章句也

孝桓

案楊秉傳言桓帝即位秉以明尚書徵入勸講又黃瓊傳言

和平中瓊以選入講禁中延熹二年以師傅之恩封為邗鄉

侯是桓帝於尚書習歐陽學可知也

孝靈

後漢書帝紀熹平四年春詔諸儒正五經文字刻石立於太學

門外光和元年春始置鴻都門學生

案楊賜傳言建甯初靈帝當受學詔太傅三公選通尚書桓

君章句宿有重名者三公舉賜乃侍講於華光殿中是靈帝

於尚書通桓君章句也

後漢書儒林傳敘曰光武中興愛好經術未及下車而先訪儒

雅採求闕文補綴漏逸於是立五經博士各曰家法教授易有

施孟梁邱京氏尚書歐陽大小夏侯詩齊魯韓禮大小戴春秋

嚴顏凡十四博士太常差次總領焉

案今本詩齊魯韓下有毛字攷傳中載前書魯齊韓

三家皆立博士趙大毛萇傳詩是為毛詩未得立光武立五經

博士易四家尚書三家詩三家禮二家春秋二家凡十四博士

如有毛詩博士則凡十五矣其數不合故知毛是衍字也今刪去之不列

即位親行其禮帝正坐自講諸儒執經問難於前冠帶搢紳之

人圍橋而觀聽者蓋億萬計建初中大會諸儒於白虎觀考詳

皇詩經解讀編 今文尚書敘錄

皇清系角經系
今文尚書敘錄
同異連月迺罷肅宗親臨稱制如石渠故事顧命史臣著爲通
義又詔高才生受古文尚書毛詩穀梁左氏春秋雖不立學官
然皆擢高第爲講郎給事近署所已網羅遺逸博存眾家孝和
亦數幸東觀覽閱書林熹平四年靈帝迺詔諸儒正定五經刊
於石碑爲古文篆隸二體書法曰相參檢樹之學門使天下咸
取則焉

歐陽歙

後漢書儒林傳歐陽歙字正思樂安千乘人也自歐陽生傳伏
生尚書至歙八世皆爲博士歙旣傳業而恭謙好禮讓王莽時
爲長社宰更始立爲原武令世祖平河北到原武見歙在縣修
政遷河南都尉世祖卽位始爲河南尹封被陽侯建武五年坐

事免官明年拜揚州牧遷汝南太守推用賢俊政稱異迹歙在
郡教授數百人視事九歲徵爲大司徒坐在汝南臧罪下獄諸
生守闕爲歙求哀者千餘人平原禮震上書求代歙死書奏而
歙已死獄中歙掾陳元上書追訟之旨甚切至帝迺賜棺木贈
印綬賻練三千匹子復嗣後本無子國除濟陰曹會字伯山從
歙受尚書門徒三千人位至諫議大夫子祉河南尹傳父業教
授又陳留陳弇字叔明亦受歐陽尚書於司徒丁鴻仕爲蘄長
禮震

謝承書曰禮震字仲威光武嘉其仁義拜震郎中後以公事左
遷淮陽王廩長

曹會

曹社

陳弇

以上均見
儒林傳

司馬彪續漢書曰弇以尚書教授躬自耕種常有黃雀飛來隨弇翱翔

桓榮

後漢書列傳桓榮字春卿沛郡龍亢人也少學長安習歐陽尚書事博士九江朱普精力不倦十五年不窺家園普卒榮負土成墳因留教授徒眾數百人莽敗天下亂榮抱其經書與弟子逃匿山谷雖常饑困而講論不輟後復客授江淮閒建武十九年年六十餘始辟大司徒府時顯宗始立爲皇太子選求明經迺擢榮弟子豫章何湯爲虎賁中郎將且尚書授皇太子世祖

從容問湯本師爲誰湯對曰事沛國桓榮帝卽命榮令說尚書甚善之拜爲議郎入使授太子每朝會輒令榮於公卿前敷奏經書帝稱善曰得生幾晚會歐陽博士缺帝欲用榮榮讓曰臣經術淺薄不如同門生郎中彭閔揚州從事皋宏帝曰俞往汝諧因拜榮爲博士引閔宏爲議郎車駕幸太學會諸博士論難於前榮被服儒衣溫恭有蘊藉辨明經義每且禮讓相厭不且辭長勝人儒者莫之及特加恩賞常令止宿太子宫積五年榮薦門下生九江胡憲侍講乃聽得出旦一人而已二十八年拜博士張佚爲太子太傅而呂榮爲少傅賜且輜車乘馬榮大會諸生陳其車馬印綬曰今日所蒙稽古之力也可不勉哉榮且太子經學成畢上疏謝太子報書曰夫五經廣大聖言幽遠非

天下之至精豈能與於此昔之先師謝弟子者有矣上則通達
經旨分明章句下則去家慕鄉求謝師門今蒙下列不敢有辭
願君慎疾加餐重愛玉體三十年拜爲太常顯宗卽位尊以師
禮甚見親重拜二子爲郎榮年踰八十自以衰老數上書乞身
輒加賞賜乘輿嘗幸太常府合榮坐東南設几杖會百官驃騎
將軍東平王蒼臣下及榮門生數百人天子親自執業每言輒
曰太師在是旣罷悉以大官供具賜太常家其恩禮若此永平
二年三雍初成拜榮爲五更每大射養老禮畢帝輒引榮及弟
子升堂執經自爲下說迺封榮爲關內侯食邑五千戶榮卒帝
親自變服臨喪送葬賜冢塋於首山之陽除兄子二人補四百
石都講生八人補二百石其餘門徒多至公卿子郁嗣

桓雍

華嶠書曰榮長子雍早卒少子郁嗣

桓郁

後漢書列傳郁字仲恩少臣父任爲郎敦厚篤學傳父業臣尙
書教授門徒常數百人榮卒郁當襲爵上書讓於兄子汎顯宗
不許不得已受封悉以租入與之帝以郁先師子有禮讓甚見
親厚常居中論經書問臣政事稍遷侍中帝自制五家要說章
句令郁校定於宣明殿永平十五年人授皇太子經遷越騎校
尉郁數進忠言多見納錄肅宗建武二年遷屯騎校尉和帝卽
位富於春秋侍中竇憲自以外戚之重欲令少主頗涉經學上
疏皇太后曰昔五更桓榮親爲帝師子郁結髮敦尙繼傳父業

故再呂校尉入授先帝父子給事禁省更歷四世今白首好禮
 經行篤備宜令郁入教授由是遷長樂少府復入侍講頃之轉
 為侍中奉車都尉永元四年代丁鴻為太常明年病卒郁教授
 二帝恩寵甚篤門人楊震朱寵皆至三公初榮受朱普學章句
 四十萬言及榮入授顯宗減為二十三萬言郁復刪省定成十
 二萬言由是有桓君大小太常章句子普嗣傳爵至曾孫郁中
 子焉能世傳其家學孫鸞曾孫彬並知名

桓汎

桓普

桓延

桓焉

桓俊

桓艷

桓良

華嶠書曰郁六子普延焉俊艷良普嗣侯傳國至曾孫絕艷良

子孫皆博學有才能

後漢書列傳焉字叔元以父任為郎明經篤行有名稱永初元

年入授安帝三遷為侍中步兵校尉永甯中順帝立為皇太子

呂焉為太子少傅月餘遷太傅呂母憂自乞踰年使者賜牛酒

奪服即拜光祿大夫遷太常順帝即位拜太傅錄尚書事復入

授經禁中因譏見建書宜引三公尚書入省事帝從之視事三

年坐辟召禁錮者為吏免復拜光祿大夫永和五年代王龔為

大尉漢安元年日食免明年卒於家弟子傳業者數百人黃瓊楊賜最爲顯貴焉孫典傳其家業

桓衡

桓順

桓典

華嶠書曰焉長子衡早卒中子順順子典

後漢書列傳典字公雅復傳其家業自尙書教授潁川門徒數百人舉孝廉爲郎辟司徒袁隗府舉高策拜侍御史是時宦官秉權典執政無所回避常乘驄馬京師畏憚爲之語曰行行且止避驄馬御史及黃巾賊起滎陽典奉使督軍賊破還曰恬宦官賞不行在御史七年不調靈帝崩大將軍何進秉政典與同謀議二遷羽林中郎將獻帝卽位三公奏典忠義炳著詔拜家一人爲郎從西入關拜御史中丞賜爵關內侯遷光祿勳建安六年卒於官

桓鸞

桓曄

東觀記曰鸞父良龍舒侯相也鸞貞亮之性著乎幼冲學覽六經莫不貫綜推財孤寡分賄友朋泰於待賢狹於養已常著大布裋袍糲食醋餐也

後漢書列傳鸞字始春焉弟子也少立操行裋袍糟食不求盈餘已世濁州郡多非其人恥不肯仕年四十餘時太守向苗有名迹迺舉鸞孝廉遷爲膠東令後爲已吾汲二縣令甚有名迹

諸公竝薦復徵辟拜議郎上陳五事舉賢才審授用黜佞倖省苑囿息役賦書奏御悟內豎故不省以病免中平元年年七十卒於家子暕

暕字文林一名嚴東觀記嚴作蠟尤修志介賓客從者皆祇其志行一

餐不受於人仕為郡功曹後舉孝廉有道方正茂才三公竝辟

皆不應初平中天下亂避地會稽遂浮海客交趾越人化其節

至閩里不爭訟

桓麟

桓彬

華嶠書曰鄴生麟

後漢書列傳彬字彥林焉之兄孫也父麟字元鳳早有才惠桓

帝初為議郎入侍講禁中曰直道悟左右出為許令病免會母

終麟不勝喪未祥而卒年四十一所著碑誄讚說書凡二十二

篇彬少與蔡邕齊名初舉孝廉拜尚書郎彬厲志操與左丞劉

歆右丞杜希同好交善所著七說及書凡三篇蔡邕等共論序

其志僉曰為彬有過人者四夙智早成岐嶷也學優文麗至通

也仕不苟祿絕高也辭隆從窳絜操也迺共樹碑而頌焉

案後漢書傳論言伏生自東西京相襲為名儒謂伏生以後至伏湛也

曰取爵位中興而桓氏尤盛自榮至典世宗其道父子兄弟

代作帝師受其業者皆至卿相顯乎當世足見桓氏一門皆

世傳家學習歐陽尚書桓君大小章句之業也

彭閔

續漢書曰彭閔字作明

皋宏

皋徽

謝承書曰皋宏字奉卿吳郡人也家代為冠族少有英才與桓榮相善子徽至司徒長史

何湯

謝承書曰何湯字仲屯豫章南昌人也桓榮門徒常四百餘人湯為高弟以才明知名榮甚重之後拜郎中建武十六年拜虎賁中郎將以明經當授太子推薦榮榮拜五更封關內侯榮嘗言曰此皆何仲弓之力也

胡憲 均見前

丁鴻

後漢書列傳丁鴻字孝公潁川定陵人也父緝字幼春世祖時封陵陽侯鴻年十三從桓榮受歐陽尚書二年而明章句善論難為都講遂篤志精銳布衣荷擔不遠千里及緝卒鴻當襲封讓國於盛不報既葬迺挂絰經於冢廬而逃去鴻初與九江人鮑駿同事桓榮甚相友善及鴻亡與駿遇於東海陽狂不識駿駿迺止而讓之鴻感泣迺還就國開門教授鮑駿亦上書言鴻經學至行顯宗甚賢之永平十年詔徵鴻至即召見說文侯之命篇賜御衣及綬稟食公車與博士同禮頃之拜侍中兼射聲校尉建初四年徙封魯陽鄉侯肅宗詔鴻與廣平王羨及諸儒樓望成封桓郁賈逵等論定五經同異於北宮白虎觀

廣平王羨明帝

子也東觀記曰與太常樓望少府成封屯騎校尉桓郁使五官
 衛士賈逵等集議也白虎門名於門立觀因以名之焉
 中郎將魏應主承制問難侍中淳于恭上帝親稱制臨決鴻昌
 才高論難最明諸儒稱之帝數嗟美焉時人歎曰殿中無雙丁
 孝公數受賞賜擢徙校書遂代成封為少府門下由是益盛遠
 方至者數千人彭城劉愷北海巴茂九江朱儀皆至公卿元和
 三年徙封馬亭鄉侯和帝即位遷太常永元四年代袁安為司
 徒行太尉兼衛尉屯南北宮六年鴻薨賜贈有加常禮子湛嗣
 湛卒子浮嗣浮卒子夏嗣東觀記及續漢書夏字作襲
 華嶠書曰榮弟子丁鴻學最高

丁湛

丁浮

丁夏

鮑駿

劉愷

巴茂

朱儀均見前

楊寶

楊震

後漢書列傳楊震字伯起宏農華陰人也父寶習歐陽尚書哀
 平之世隱居教授居攝二年與兩龔蔣詡俱徵遂遁逃不知所
 處光武高其節建武中公車特徵老病不到卒於家震少好學
 受歐陽尚書於太常桓郁明徵博覽無不窮究諸儒為之語曰

關西夫子楊伯起常客居於湖不荅州郡禮命數十年眾人謂之晚暮而震志愈篤年五十乃始仕州郡大將軍鄧騭聞其賢而辟之舉茂才四遷荊州刺史東萊太守元初四年徵入爲太僕遷太常先是博士選舉多不用實震舉薦明經名士陳留楊倫等顯傳學業諸儒稱之永甯元年代劉愷爲司徒震五子長子牧富波相牧孫奇靈帝時爲侍中奇子亮追封爲陽成亭侯

楊波

楊奇

楊亮

楊秉

震中子秉字叔節少傳父業兼明京氏易博通書傳常隱居教

授年四十餘乃應司空辟拜侍御史頻出爲豫荆徐兗四州刺史遷任城相曰廉潔稱桓帝卽位以明尚書徵入勸講拜太中大夫左中郎將遷侍中尚書曰病乞退出爲右扶風太尉黃瓊惜其去朝廷上秉勸講帷幄不宜外遷留拜光祿大夫遷太常延熹三年免官歸田里其年冬復徵拜河南尹五年冬代劉矩爲太尉每朝廷有得失輒盡忠規諫多見納用八年薨時年七十四賜塋陪陵子賜

楊賜

賜字伯獻少傳家學篤志博聞嘗退居隱約教授門徒不荅州郡禮命後辟大將軍梁冀府非其好也出除陳倉令因病不行公車徵不至連辭三公之命後曰司空高第再遷侍中越騎校

尉建甯初靈常當受學詔太傅三公選通尚書桓君章句宿有
重名者三公舉賜乃侍講於華光殿中遷少府光祿勳熹平二
年代唐珍爲司空以災異免復拜光祿大夫五年代袁隗爲司
徒光和元年冬行辟雍禮引賜爲主老四年曰病罷居五年冬
復拜太尉封臨晉侯邑千五百戶初賜與太尉劉寬司空張濟
竝入侍講自曰不宜獨受封賞願分戶邑於寬濟帝嘉歎復封
寬及濟子拜賜尚書令數曰出爲廷尉賜自曰代非法家遂固
辭曰特進就第二年九月復代張溫爲司空其月薨天子素服
三日不臨朝賜東園梓器襚服贈司空驃騎將軍印綬諡文烈
侯子彪嗣

楊彪

楊修

彪字文先少傳家學初舉孝廉州舉茂才辟公府皆不應熹平
中曰博習舊聞公車徵拜議郎遷侍中京兆尹光和中徵還爲
侍中五官中郎將遷潁川南陽太守復拜侍中三遷永樂少府
太僕衛尉中平六年冬代黃琬爲司徒明年關東兵起董卓懼
欲遷都彪曰天下動之至易安之甚難惟明公慮焉卓使司隸
校尉宣播曰災異妄免琬彪等詣闕謝即拜光祿大夫十餘日
遷大鴻臚興平元年代朱雋爲太尉錄尚書事建安元年曰疾
罷時袁術僭亂曹操託彪與術婚姻奏收下獄將作大匠孔融
往見操遂理出彪四年復拜太常十年免彪見漢祚將終遂稱
腳攀不復行子修字德祖好學有俊才爲丞相曹操主簿操忌

修且以袁術之甥慮為後患遂因事殺之及魏文帝受禪欲以彪為太尉先遣使示旨彪遂固辭年八十四黃初六年卒於家

黃瓊

黃琬

後漢書列傳黃瓊字世英江夏安陸人魏郡太守香之子也初以父任為太子舍人辭病不就永建中公卿多薦瓊者即拜議郎稍遷尚書僕射尚書令出為魏郡太守和平中以選入講禁中元嘉元年遷司空延熹元年日食免復為大司農明年拜為太尉日師傅之恩而不阿梁氏乃封為郟鄉侯邑千戶瓊辭及讓六七上言旨懇惻乃許之七年疾篤卒贈車騎將軍諡曰忠侯孫琬

琬字子琰少失父早而辯慧後瓊為司徒琬以公孫拜童子郎託病不就知名京師稍遷五官中郎將光和末太尉楊賜薦琬有撥亂之才遷侍中中平初出為右扶風徵拜將作大匠少府太僕又為豫州牧政績為天下表封關內侯徵為司徒遷太尉更封陽泉鄉侯董卓議遷都長安琬與司徒楊彪同諫不從竟坐免卓猶敬其名德舊族不敢害後與楊彪同拜光祿大夫及徙西都轉司隸校尉與司徒王允同謀誅卓及卓將李傕郭汜攻破長安遂收琬下獄死時年五十二

牟紆

牟紆

後漢書儒林傳牟長字君高樂安臨濟人也長少習歐陽尚書

不仕王莽世祖建武二年大司空宋宏特辟拜博士稍遷河內太守自爲博士及河內諸生講學者常有千餘人著錄前後萬人著尚書章句皆本之歐陽氏俗號爲牟氏章句子紆又曰隱居教授門生千人肅宗聞而徵之欲召爲博士道物故

宋登

後漢書儒林傳宋登字叔陽京兆長安人也父由爲太尉登少傳歐陽尚書教授數千人爲汝陰令政爲明能號稱神父遷趙相入爲尚書僕射順帝曰登明識禮樂使持節臨太學奏定典律轉拜侍中數上封事抑退權臣由是出爲潁川太守市無二價道不拾遺病免卒於家汝陰人配社祠之

尹敏

後漢書儒林傳尹敏字幼季南陽堵陽人也少爲諸生初習歐陽尚書後受古文兼善毛詩穀梁左氏春秋建武二年上疏陳洪範消災之術時世祖方草創天下未遑其事命敏待詔公車拜郎中辟大司空府後三遷長陵令永平五年免官十一年除郎中遷諫議大夫卒於家

張馴

後漢書儒林傳張馴字子儁濟陰定陶人也少遊太學能誦春秋左氏傳曰大夏侯尚書教授辟公府舉高第拜議郎與蔡邕共奏定六經文字擢拜侍中典領秘書近署甚見納異多因便宜陳政得失朝廷嘉之遷丹陽太守化有惠政光祿七年徵拜尚書遷大司農初平中卒於官

牟融

後漢書儒林傳中興北海牟融習大夏侯尚書

又本傳牟融字子優北海安邱人少博學以大夏侯尚書教授門徒數百人名稱州里以司徒茂才爲豐令視事三年縣無獄訟爲州郡最司徒范遷薦融忠正公方經行純備宜在本朝并上其理狀永平五年入代鮑昱爲司隸校尉多所舉正百僚敬憚之融經明才高善議論朝廷皆服其能十二年代伏恭爲司空肅宗卽位以融爲太尉建初四年薨

王良

後漢書儒林傳東海王良習小夏侯尚書

又本傳王良字仲子東海蘭陵人也少好學習小夏侯尚書教授諸生千餘人建武二年徵拜諫議大夫數有忠言以禮進止朝廷敬之遷沛郡太守徵拜大中大夫六年代宣秉爲大司徒司直後以病歸詔以元纁聘之遂不應光武詔復其子孫邑中徭役卒於家

吳良

後漢書列傳吳良字大儀齊國臨淄人也東平王蒼辟署爲西曹上疏薦良曰竊見臣府西曹掾齊國吳良資質敦固公方廉恪躬儉安貧白首一節又治尚書學通師法經任博士行中表儀宜備宿衛以補聖政顯宗以示公卿以良爲議郎後遷司徒長史每處大議輒據經典不希旨偶俗以激時譽後坐事免復拜議郎卒於官

東觀記曰吳良習大夏侯尚書

伏孺

伏理

伏湛

伏隆

伏瑗

伏翕

伏光

伏晨

伏無忌

伏質

伏完

後漢書列傳伏湛字惠公瑯琊東武人也九世祖勝字子賤所謂濟南伏生也高祖父孺武帝時客授東武因家焉父理爲當世名儒以詩授成帝爲高密太傅別自名學湛性孝友少傳父業教授數百人成帝時以父任爲博士弟子五遷至王莽時爲繡衣執法更始立以爲平原太守時倉卒兵起天下驚擾而湛獨晏然教授不廢郡內以安光武卽位知湛名儒舊臣欲令幹任內職徵拜尚書使典定舊制建武三年遂代鄧禹爲大司徒封陽都侯徙封不其侯二子隆翕翕嗣翕卒子光嗣光卒子晨嗣晨謙敬博愛好學尤篤卒子無忌嗣亦傳家學博物多識順帝時爲侍中屯騎校尉永和元年詔無忌與議郎黃景校定中

書五經諸子百家藝術卒子質嗣官至大司農卒子完嗣初自伏生以後世傳經學清靜無競故東州號爲伏不鬪云隆字伯文少以節操立名建武二年拜爲大中大夫持節使青徐二州招降郡國帝嘉其功比之酈生使於張步步欲留隆與共守二州隆不聽步遂殺之五年張步平詔隆中弟咸收隆喪賜給棺斂太中大夫護送喪事詔告瑯琊作家以子瑗爲郎中

朱寵

後漢書鄧騭傳曰朱寵字仲威京兆人也篤行好學從桓榮受尙書位至太尉

張禹

後漢書列傳張禹字伯達趙國襄國人也性篤厚節儉永平八年舉孝廉建初中拜揚州刺史永元六年入爲大司農拜太尉和帝甚禮之永初元年以定策功封安鄉侯七年卒於家

東觀記曰禹好學習歐陽尙書事太常桓榮

張充

張酺

後漢書列傳張酺字孟侯汝南細陽人也少從祖父充受尙書能傳其業又事太常桓榮勤力不怠聚徒以百數永平九年顯宗爲四姓小侯開學於南宮置五經師酺以尙書教授數講於御前以論難當意除爲郎賜車馬衣裳遂令人授皇太子酺爲人質直守經義每侍講閒隙數有匡正之辭以嚴見憚及肅宗卽位擢爲侍中虎賁中郎將數月出爲東郡太守自酺出後帝

每見諸王師傳嘗言張酺前入侍講屢有諫正閭閻惻惻出於誠心可謂有史魚之風矣元和二年東巡狩幸東郡引酺及門生并郡縣掾吏會庭中帝先備弟子之儀使酺講尚書一篇然後修君臣之禮賞賜殊特莫不沾洽和帝初遷魏郡太守徵入爲河南尹永元五年遷酺爲太僕數月代尹睦爲太尉數上疏以疾乞身十五年代魯恭爲司空月餘乘輿縞素臨弔賜冢塋地賙贈恩寵異於他相子蕃以郎侍講曾孫濟好儒學光和中至司空病罷及卒靈帝以舊恩贈車騎將軍關內侯印綬其年追濟侍講有勞封子根爲蔡陽鄉侯濟弟喜初平中爲司空東觀記曰充與光武同門學光武卽位求問充充已死

張蕃

張磐

張濟

華嶠書曰蕃生磐磐生濟濟字元江靈帝初楊賜薦濟明習典訓爲侍講

張喜

張根

鄧宏

鄧廣德

鄧甫德

後漢書列傳鄧訓子宏少治歐陽尚書授帝禁中諸儒多歸附之宏弟貴人立是爲和熹皇后宏爲黃門侍郎安帝立遷虎賁

是書經年實編

今文尚書敘錄

中郎將永初元年封西平侯元初二年卒太后服齊衰帝絲麻
封子廣德爲西平侯後曰帝師之重分西平之都鄉封廣德弟
甫德爲都鄉侯建光元年太后崩宏廢爲庶人順帝卽位追感
太后恩訓甫德更召徵爲開封令學傳父業喪母遂不仕

劉寬

後漢書列傳劉寬字文饒宏農華陰人也桓帝時大將軍辟五
遷司徒長史再遷出爲東海相延熹八年徵拜尙書令遷南陽
太守每行縣止息亭傳輒引學官祭酒及處士諸生執經對講
人感德興行日有所化靈帝初徵拜太中大夫侍講華光殿嘉
平五年代許訓爲太尉靈帝頗好學藝每引見常令講經以先
策黃巾逆謀曰事上聞封遂鄉侯中平二年卒諡曰昭烈侯

謝承書曰寬少學歐陽尙書京氏易尤明韓詩外傳星官風隅
算麻皆究極師法稱爲通儒未嘗與人爭勢利之事也

鮑永

後漢書列傳鮑永字君長上黨屯留人也少有志操習歐陽尙
書事後母至孝舉秀才不應更始二年徵再遷尙書僕射行大
將軍事持節將兵安集河東并州朔部光武卽位徵永詣行在
卽拜諫議大夫遭母憂去官悉以財產與孤弟子建武十一年
徵爲司隸校尉拜兗州牧視事三年病卒子昱

鮑昱

鮑德

後漢書列傳昱字文泉少傳父學客授於東平後爲泚陽長政

化仁愛境內清淨中元元年拜司隸校尉在職奉法守正有父風後拜汝南太守十七年代王敏爲司徒建初四年代牟融爲太尉六年薨子德修志節有名稱累官爲南陽太守吏人愛悅號爲神父時郡學久廢德迺修起黌舍備俎豆黼冕行禮奏樂又尊饗國老宴會諸儒百姓觀者莫不悅服在職九年徵拜大司農卒於官

杜喬

後漢書列傳杜喬字叔榮河內林慮人也少爲諸生舉孝廉辟司徒楊震府稍遷爲南郡太守轉東海相入拜侍中累遷大鴻臚光祿勳建和元年代胡廣爲太尉在位數月以地震免宦者唐衡左悺等共譖於帝梁冀遂諷有司劾喬及李固請逮案罪繫死獄中喬故掾陳留楊匡詣闕上書竝乞李杜二公骸骨成禮殯殮送喬喪還

續漢書曰喬少好學治韓詩京氏易歐陽尙書以孝稱雖二千石子常擔步求師

楊仲續

楊春卿

楊統

楊厚

陳壽益都耆德傳楊統字仲通曾祖父仲續舉河東方正拜祁令甚有德惠人爲立祠樂益都風俗因留家新都代修儒學以夏侯尙書相傳

後漢書列傳楊厚字仲桓廣漢新都人也祖父春卿善圖讖學
臨命戒子統曰吾梯表中有先祖所傳秘記爲漢家用爾其修
之統感父遺言服闋辭家從犍爲周循學習先法又就同郡鄭
伯山受河洛書及天文推步之術建初中爲彭城令一州大旱
統推陰陽消伏縣界蒙澤自是朝廷災異多以訪之位至光祿
大夫爲國三老年九十卒厚少學統業精力思述永初二年除
爲中郎免歸復習業犍爲永建二年順帝特徵因陳漢三百五
十年之厄宜蠲法改憲之道及消伏災異凡五事制書褒述拜
議郎三遷爲侍中特蒙引見訪以時政稱病求退歸家教授門
生上名錄者三千餘人年八十二卒於家門人爲立廟祠之
賈逵

後漢書列傳賈逵字景伯扶風平陵人也弱冠能誦左氏傳及
五經本文曰大夏侯尙書教授雖爲古學兼通五家穀梁之說
自爲兒童常在太學不通人閒事諸儒爲之語曰問事不休賈
長頭永平中臨邑侯劉復薦逵博物多識帝迺召見拜爲郎與
班固竝校秘書建初元年詔逵入講北宮白虎觀南宮雲臺逵
數爲帝言古文尙書與經傳爾雅詁訓相應詔令撰歐陽大小
夏侯尙書古文同異逵集爲三卷帝善之復令撰齊魯韓詩與
毛氏異同并作周官解詁遷逵爲衛士令八年乃詔諸儒各選
高才生受左氏穀梁春秋古文尙書毛詩由是四經遂行於世
永元三年以逵爲左中郎將八年復爲侍中領騎都尉內備帷
幄兼領秘書近署甚見信用十三年卒年七十二朝廷愍惜除

兩子為太子舍人

宋京

宋意

後漢書列傳宋意字伯意南陽安眾人也父京以大夏侯尚書
教授至遼東太守意少傳父業顯宗時舉孝廉以召對合旨擢
拜阿陽侯相建初中徵為尚書遷司隸校尉

何比干

何敞

後漢書何敞傳敞字文高扶風平陵人也其先家於汝陰六世
祖比干學尚書於晁錯武帝時為廷尉正與張湯同時湯持法
深而比干務仁恕數與湯爭雖不能盡得然所濟活者以千數

後遷丹陽都尉因徙居平陵敞通經傳以高第拜侍御史後拜
為尚書遷汝南太守

徐穉

徐胤

後漢書列傳徐穉字孺子豫章南昌人也恭儉義讓所居服其
德屢辟公府不起延嘉二年尚書令陳蕃僕射胡廣等上疏薦
穉桓帝乃以安車元纁備禮徵之不至靈帝初欲蒲輪聘穉會
卒時年七十二子胤字季登篤行孝悌亦隱居不仕

謝承書曰穉少為諸生學嚴氏春秋京氏易歐陽尚書兼綜風
角星官算麻河圖七緯推步變易異行矯時俗閭里服其德化
有失物者縣以相還道無拾遺四察孝廉五辟宰府三舉茂才

星漢紀角紀
三
胤少遭父母喪致哀毀瘁嘔血發病服闋隱居林藪躬耕稼穡
勸則誦經貧窶困乏執志彌固不受惠於人也

傅燮

後漢書列傳傅燮字南容北地靈州人也少師事太尉劉寬再
舉孝廉爲護軍司馬與左中郎將皇甫嵩俱討賊張角燮素疾
中官旣行因上疏書奏宦者趙忠見而忿惡及破張角燮功多
當封忠訴譖之以爲安定都尉以疾免後拜議郎出爲漢陽太
守燮善卹人叛羌懷其恩化竝來降附乃廣開屯田列置四十
餘營中平四年金城賊王國韓遂等圍漢陽城中兵少糧盡燮
猶固守臨陣戰歿諡曰壯節侯

張奐

後漢書列傳張奐字然明敦煌酒泉人也少遊三輔師事太尉
朱寵學歐陽尚書初牟氏章句浮辭繁多有四十五萬餘言奐
減爲九萬言後辟大將軍梁冀府乃上書桓帝奏其章句詔下

東觀

時牟卿受書於張堪爲
博士故有牟氏章句

以疾去官復舉賢良對策第一擢

拜議郎永壽元年遷安定屬國都尉正身絜已威化大行遷使
匈奴中郎將遷度遼將軍數載閒幽并清靜延嘉元年徵拜大
司農秋復拜奐爲護匈奴中郎將以九卿秩督幽并涼三州及
度遼烏桓二營建甯元年振旅而還又拜大司農轉太常司隸
校尉王寓出於宦官欲借寵公卿以求薦舉百僚畏憚莫不許
諾唯奐獨拒之寓怒遂陷以黨罪禁錮歸田里奐閉門不出養
徒千人著尚書記難三十餘萬言光和四年卒年七十八長子

芝字伯英最知名

張芝

宗資

謝承書曰宗資字叔都南陽安祿人也少在京師學孟氏易歐陽尚書舉孝廉拜議郎補御史中丞汝南太守署范滂為功曹委任政事推功於滂不伐其美任善之名聞於海內

廖扶

謁煥

後漢書方術傳廖扶字文起汝南平輿人也習韓詩歐陽尚書教授常數百人絕志世外專精經典尤明天文讖緯風角推步之術州郡公府辟召皆不應太守謁煥先為諸生從扶學後臨

郡未到先遣吏修門人之禮又欲擢扶子弟固不肯年八十終

於家子孟舉偉舉竝知名

廖孟舉

廖偉舉

孔昱

後漢書列傳孔昱字元世魯國魯人也七世祖霸成帝時歷九

卿封褒成侯自霸至昱爵位相係其卿相牧守五十三人侯七

人昱少習家學

章懷注云家學尚書

大將軍梁冀辟不應太尉舉方正對

策不合乃辭病去靈帝即位公車徵拜議郎補洛陽令以師喪

棄官卒於家

案章懷注云案前書孔霸字次儒即安國孫世習尚書宣帝

時為太中大夫授太子經遷詹事高密相元帝即位霸以帝師賜爵關內侯號褒成君諡曰烈君今范書及謝承書皆云成帝又言封侯蓋誤也喬樞謂孔霸與周堪均師事大夏侯勝受尚書子光亦事牟卿卿者周堪弟子也事具見漢書儒林傳大夏侯尚書有孔許之學則孔氏世習家學皆為大夏侯今文尚書可知矣又攷孔融傳云七世祖霸為元帝師位至侍中則豈傳言成帝時歷九卿封褒成侯成字自是傳寫之譌當據孔融傳訂正之

劉恭

後漢書劉盆子傳盆子兄恭少習尚書略通大義更始封為式侯以明經數言事拜侍中

劉嘉

後漢書宗室列傳順陽懷侯嘉字孝孫光武族兄也與伯升俱學長安習尚書春秋建武三年拜為千乘太守十三年封為順陽侯

李生

賈復

後漢書列傳賈復字公文南陽冠軍人也少好學習尚書事舞陰李生李生奇之謂門人曰賈君之容貌志氣如此而勤於學將相之器也因鄧禹得召見光武署復破虜將軍遷都護將軍光武即位拜為執金吾封冠軍侯建武十三年定封膠東侯復知帝欲偃干戈修文德不欲功臣擁眾京師乃與高密侯鄧禹

竝剽甲兵敦儒學帝深然之曰列侯就第加位特進與公卿參議國家大事恩遇甚厚三十一年卒諡曰剛侯

馬續

後漢書馬嚴傳嚴七子唯續融最知名續字季則七歲能通論語十三明尚書十六治詩博覽羣籍善九章算術

魯丕

後漢書列傳魯丕字叔陵性深沈好學孳孳不倦遂杜絕交游不答候問之禮士友常以此短之而不欣然自得遂兼通五經以魯詩尚書教授爲當世名儒建初元年肅宗詔舉賢良方正大司農劉寬舉丕時對策者百餘人唯丕在高第除爲議郎遷新野令視事期年州課第一擢拜青州刺史元和元年遷拜趙相門生就學者百餘人關東號之曰五經復興魯叔陵永元二年遷東郡太守十三年遷爲侍中再爲三老年七十五卒於官

桓譚

後漢書列傳桓譚字君山沛國相人博學多通徧習五經皆訓詁大義不爲章句世祖卽位徵待詔大司空宋宏薦譚拜議郎給事中因上疏陳時政所宜書奏不省出爲六安郡丞意忽忽不樂道病卒初譚著書言當世行事二十九篇號曰新論上書獻之世祖善焉元和中肅宗行東巡狩至沛使使者祠譚冢鄉里以爲榮

馮允

後漢書馮緄傳曰緄字鴻卿巴郡宕渠人也弟允清白有孝行

能理尙書善推步之術推步謂究日月五星之度昏旦節氣之差拜降虜校尉終於

家

周磐

後漢書列傳周磐字堅伯汝南安成人徵士變之宗也少游京

師學古文尙書洪範五行左氏傳好學有行非典謨不言諸儒

宗之

案洪範五行是今文尙書之學則磐於尙書兼通今文可知

也

寒朗

後漢書列傳寒朗字伯奇魯國薛人也好經學博通書傳以尙

書教授舉孝廉永平中以謁者守侍御史建初中拜為易長遷

濟陽令永元中再遷清河太守永初三年卒

蔡邕

後漢書列傳蔡邕字伯喈陳留圉人也性篤孝少博學師事太

傅胡廣好辭章數術天文妙操音律建甯三年召拜郎中校書

東觀遷議郎邕以經籍去聖久遠文字多謬俗儒穿鑿疑誤後

學熹平四年乃與五官中郎將堂谿典光祿大夫楊賜諫議大

夫馬日磾議郎張馴韓說太史令單鳳等奏求正定六經文字

靈帝許之邕乃自書冊於碑使工鐫刻立於太學門外洛陽記曰太學

在洛陽城南開陽門外講堂長十丈廣一丈堂有石經四部本碑凡四十六枚西行尙書周易公羊傳十六碑存十二碑毀南

行禮記十五碑悉崩壞東行論語三碑二碑毀禮記碑上有諫議大夫馬日磾議郎蔡邕名於是後儒晚學

咸取正焉元和元年遂置鴻都學畫孔子及七十二弟子像

荀爽

後漢書列傳荀爽字慈明潁川潁陰人也幼而好學年十二能通春秋論語太尉杜喬見而稱之曰可為人師爽遂耽思經書慶弔不行徵命不應延熹九年太常趙典舉爽至孝拜郎中對策陳便宜奏聞即弃官去以著述為事遂稱為碩儒獻帝即位徵為光祿勳視事三日進拜司空爽自被徵命及登台事九十五日因從遷都長安會病薨年六十三著禮易傳詩傳尚書正經春秋條例又集漢事成敗可為鑒戒者謂之漢語又作公羊問及辯讖并它所論敘題為新書凡百餘篇兄子悅或竝知名

荀悅

荀彧

索盧放

後漢書獨行傳索盧放字君陽東郡人也以尚書教授千餘人建武六年徵為洛陽令政有能名以病乞身徙諫議大夫數納忠言後以疾去卒於家

高獲

後漢書方術傳高獲字敬公汝南新息人也少遊學京師與光武有舊師事司徒歐陽歙光武引見之欲用為吏獲辭去三公爭辟不應素善天文曉遁甲能役使鬼神太守鮑昱每行縣輒式其閭獲遂遠遁江南卒於石城

李頡

李郃

後漢書方術傳李邵字孟節漢中南鄭人也父頡以儒學官至博士邵襲父業遊太學通五經善河洛風星外質樸人莫之識舉孝廉五遷尚書令又拜太常元初四年代袁敞為司空數陳得失有忠臣節安帝崩北鄉侯立復為司徒順帝封邵涉都侯辭讓不受年八十餘卒於家

樊英

後漢書方術傳樊英字季齊南陽魯陽人也少受業三輔習京氏易兼明五經又善風角星算河洛七緯推步災異隱於壺山之陽受業者四方而至州郡前後禮請不應公卿舉賢良方正有道皆不行安帝初徵為博士順帝為英設壇席賜几杖待以師傅之禮延問得失拜五官中郎將數月英稱疾篤詔以為光祿大夫賜告歸年七十餘卒於家

韓說

後漢書方術傳韓說字叔儒會稽山陰人也博通五經尤善圖緯之學舉孝廉與議郎蔡邕友善數陳災眚遷侍中為江夏太守年七十卒於家

井丹

後漢書逸民傳井丹字大春扶風郿人也少受業太學通五經善談論故京師為之語曰五經紛綸井大春性清高未嘗修刺候人隱閉不關人事以壽終

劉陶

後漢書列傳劉陶字子奇一名偉潁川定陰人游太學明尚書

春秋爲之訓詁推三家尙書及古文是正文字三百餘事名曰
中古文尙書拜侍御史靈帝宿聞其名數引納之詔陶次第春
秋條例三遷尙書令以數切諫爲權臣所憚徙爲京兆尹稱疾
不聽政徵拜諫議大夫上疏陳八事大較言天下大亂皆由宦
官宦官事急其讒陶下黃門北寺獄遂閉氣而死天下莫不痛
之

虞詡

後漢書列傳虞詡字升卿陳國武平人也年十二能通尙書早
孤孝養祖母縣舉順孫國相奇之欲以爲吏詡辭曰祖母九十
非詡不養相乃止後祖母終服闋辟太尉李修府拜郎中爲朝
歌長咸稱神明鄧太后以詡有將帥之畧遷武都太守永建元
年代陳禪爲司隸校尉遷尙書僕射永和初遷尙書令以公事
去官朝廷思其忠復徵之會卒

盧植

後漢書列傳盧植字子幹涿郡涿人也少與鄭元俱事馬融能
通古今學好研精而不守章句建甯中徵爲博士熹平四年九
江蠻反四府選植才兼文武拜九江太守以疾去官作尙書章
句三禮解詁時始立太學石經以正文字植上書願得將能書
生二人共詣東觀專心研精合尙書章句考禮記得失庶裁定
聖典刊正碑文徵拜議郎與諫議大夫馬日磾議郎蔡邕楊彪
韓說等並在東觀校中書五經記傳補續漢記轉爲侍中遷尙
書光和元年植上封事陳八事帝不省中平元年黃巾賊起四

府舉植拜北中郎將持節將北軍五校士發天下諸郡兵征之連戰破賊帥張角斬獲萬餘人復爲尙書董卓議欲廢立植獨抗議不同卓怒免植官植以老病求歸初平三年卒百姓追思爲之立祠

王渙

後漢書列傳王渙字稚子廣漢郡人也敦儒學習尙書讀律令畧舉大義州舉茂才除温令遷兗州刺史繩正部郡風威大行後坐考妖言不實論戡餘徵拜侍御史永元十五年從駕南巡還爲洛陽令以平正居身得寬猛之宜元興元年病卒

劉珍

後漢書文苑傳劉珍字秋孫一名寶南陽蔡陽人也少好學永初中爲謁者僕射太后詔使與校書劉騶馬融及五經博士校定東觀五經諸子傳記百家藝術整齊脫誤是正文字永甯元年遷侍中越騎校尉延光四年拜宗正明年轉衛尉卒官撰釋名三十篇以辨萬物之稱號云

案章懷注云諸本時有作秘孫者其人名珍與秘義相扶而作秋者多也喬樞謂今世所傳釋名題爲劉熙作而珍之釋名亡佚無傳案熙字成國北海人漢末公車徵士著有孟子注見隋志而釋名一書不著錄隋志惟韋昭所上辯釋名一卷有云伏見劉熙所作釋名信多佳者然物類眾多難得詳究故時有得失因作辨釋名一卷豈劉熙爲劉珍之譌歟存疑焉可也

徐防

後漢書列傳徐防字謁卿沛國鉅人也永元十四年拜司空防以五經久遠聖意難明宜爲章句以悟後學上疏曰臣聞詩書禮樂定自孔子發明章句始於子夏其後分析各有異說漢承秦亂經典廢絕本文畧存或無章句收拾缺遺建立明經博徵儒術開置太學孔聖既遠微旨將絕故立博士十四家設甲乙之科以勉勸學者所以示人好惡改敝就善者也專精務本儒學所先博士及甲乙科宜從其家章句開五十難以試之解釋多者爲上第引文明者爲高說若不依先師義有相伐皆正以爲非五經各取上第六人論語不宜射策雖有所失或久差可矯革詔書下公卿皆從防言

韓宗

張紘

三國志吳張紘傳紘字子綱廣陵人少游學京師還本郡舉茂才辟公府皆不就避難江東孫策表爲正議校尉後權以紘爲長史年六十卒○注引吳書曰紘入太學事博士韓宗治京氏易歐陽尙書又於外黃從濮陽闔受韓詩及禮記左氏春秋王朗

三國志列傳王朗字景興東海郡人也以通經拜郎中除菑邱長師太尉楊賜賜薨弃官行服除孝廉辟公府不應徐州刺史陶謙舉朗茂才爲治中孫策渡江畧地朗浮海至東治魏太祖表徵之拜諫議大夫參司空軍事遷少府奉常大理文帝卽位

遷御史大夫封安陵亭侯改司空明帝即位進封蘭陵侯

景君

洪适隸釋刻令景君闕銘君治歐陽尚書傳祖父河南尹父步兵校尉業門徒上錄三千餘人

案景君三世傳歐陽尚書之學高弟編牒三千餘人公卿皆以為明經舉首亦顯門之耆儒也碑既不載其名惜哉

鄭固

隸釋郎中鄭固碑固字伯堅著君元子也初受業於歐陽遂窮究於典籍

楊君

隸釋繁陽令楊君碑君少傳祖業兼苞載籍靡不周覽

案碑逸其名楊君者太尉震之孫富波相牧之子太尉秉之猶子沛相統之親昆弟高陽合著之從昆弟也

熊範

隸釋綏民校尉熊君碑高祖父籌缺祖父晏曾祖父範治歐陽


尚書六日七分祖父師缺君缺喬字漢舉

案喬上缺一字必父也高曾之間又有祖父晏其上闕文蓋伯叔祖惜熊君名字皆殘闕歐陽永叔以喬為即綏民非也

董扶

陳壽益部耆舊傳董扶字茂安少從師學兼通數經善歐陽尚書又事聘士楊厚究極圖讖遂至京師遊覽太學還家講授子弟自遠方而來前後宰府十辟公車三徵再舉賢良方正博士

皇清經解續編卷千七十九
南菁書院
有道皆不就大將軍何進表薦於是靈帝徵扶卽拜侍中在朝
稱爲儒宗甚爲器重求爲蜀郡屬國都尉後去官年八十一卒
於家



皇清經解續編卷千七十九

南菁書院

今文尙書經說攷一

上 侯官陳喬樞撰

虞夏書一 唐書

案孔穎達尙書正義云馬融鄭元王肅別錄題皆曰虞夏
書虞夏同科雖虞事亦連夏鄭元序以爲虞夏書二十篇
商書四十篇周書四十篇贊云三科之條五家之教是虞
夏同科也堯典雖曰唐事本以虞史所錄末言舜登庸由
堯故追堯作典非唐史所錄故謂之虞書鄭元云舜之美
事在於堯時是也先大夫尙書大傳定本曰困學紀聞卷
二云大傳說堯典謂之唐傳則伏生不以是爲虞書也段
玉裁云五家之教是今文尙書例也三科之條是古文尙

書例也三科謂作三書之時代堯典臯陶謨禹貢是三篇者或曰虞史記之或曰夏史記之莫能別異故相承謂之虞夏書合商書周書而有三科之說喬樞謂段說未允說文心部引唐書曰五品不遜此古文尚書也與今文三家作訓者異又禾部引唐書曰稭三百有六旬此据徐鍇本也大徐本作虞亦據古文尚書也與今文三家作期者異然則謂古文尚書無唐書之目今文尚書無虞夏書之稱豈其然與

堯典第一

案堯典稱唐書據尚書大傳堯典之前題曰唐傳以後題曰虞傳咎繇謨之前題曰虞夏傳禹貢之前題曰夏傳有書而後有傳伏生說堯典而作唐傳則伏生所治尚書以

堯典為唐書以舜典為虞書明矣說文禾部引唐書曰稭三百有六旬心部引唐書曰五品不遜則古者稱堯典為唐書此其確證歐陽生為伏生弟子世世相傳至曾孫高侯建即勝之從兄子三家經文皆出於伏生宜無不同也鄭君尚書贊云三科之條五家之教蓋以虞夏同科堯典亦虞史所錄多言舜登庸事故統稱虞夏書此三科之條也虞夏書中實兼有二帝之典故又分為唐書虞書夏書以三者并商書周書數之此所謂五家之教也觀論衡亦本以唐虞夏殷周為五家是其明驗矣

王充論衡正說篇唐虞夏殷周者土地之名堯以唐侯嗣位

舜從虞地得達禹由夏而起湯因殷而興武王階周而伐皆
本所興昌之地重本不忘始故以爲號若人之有姓矣說尙
書謂之有天下之代號唐虞夏殷周者功德之名盛隆之意
也故唐之爲言蕩蕩也虞者樂也夏者大也殷者中也周者
至也堯則蕩蕩民無能名舜則天下虞樂禹承二帝之業使
道尙蕩蕩民無能名殷則道得中周則功德無不至其立義
美也其褒五家大矣然而違其正實失其初意唐虞夏殷周
猶秦之爲秦漢之爲漢秦起於秦漢興於漢中故曰猶秦漢
使秦漢在經傳之上說者將復爲秦漢作道德之說矣

案論衡書解篇云著作者爲文儒說經者爲世儒世儒當
時雖尊不遭文儒之書其迹不傳世傳詩家魯申公書家
千乘歐陽公孫不遭太史公世人不傳喬樞謂仲任著書
又立說於詩三家獨稱魯申公書三家獨稱千乘歐陽氏此
尙其習魯詩及歐陽尙書之明徵也

今文尙書一 一之上

班固漢書藝文志尙書經二十九卷大小夏侯二家 歐陽
經三十二卷 傳四十一篇 歐陽章句三十一卷 大小
夏侯章句各二十九卷 大小夏侯解故二十九卷 歐陽
說義二篇

案顏師古注云此二十九篇伏生傳授者據志言兩夏侯
卷同而歐陽經獨三十二卷者蓋以後得之大誓三篇增
益之也伏生經文二十八篇爲二十八卷其一卷百篇之

序也西漢經師不爲序作訓故歐陽章句仍止三十一卷矣歐陽經既增大誓立於學官故兩夏侯經亦從而增入特并大誓爲一篇而除序不數故仍爲二十九卷以合伏生篇數之舊與歐陽小異尚書正義云伏生二十九篇而序在外此據漢石經拓本言之要是夏侯之本也

尚書緯云孔子求書得黃帝元孫帝魁之書迄於秦穆公凡三千二百四十篇斷遠取近定可以爲世法者百二十篇以百二篇爲尚書十八篇爲中候

尚書旋機鈴云因而謂之書加尚以尊之

又云書務以天言之

鄭元尚書贊曰孔子尊而命之曰尚書尚者上也尊而重之若天書然故曰尚書

案書緯皆用今文鄭君贊從書緯說亦用今文家之言也論衡須頌篇或說尚書曰尚者上也上所爲下所書也下者誰也曰臣子也然則臣子書上所爲矣

又正說篇尚書者以爲古帝王之書或以爲上所爲下所書授事相實而爲名不依違作意以見奇說尚書者得經之實矣

又曰尚書本百篇孔子所授也遭秦用李斯之議燔燒五經濟南伏生抱百篇藏於山中孝景皇帝時始求尚書伏生已出山中景帝使鼂錯往從受尚書二十餘篇伏生老死書殘不竟鼂錯傳於倪寬至孝宣帝之時河內女子發老屋得逸

易禮尚書各一篇奏之宣帝下示博士然后易禮尚書各益一篇而尚書二十九篇始定矣

又曰傳者或知尚書爲秦所燔而謂二十九篇其遺脫不燒者也審若此言尚書二十九篇火之餘也七十一篇爲炭灰二十九篇獨遺邪夫伏生年老鼂錯從之學時適得二十餘篇伏生死矣故二十九篇獨見七十一篇遺脫遺脫者七十一篇反謂二十九篇遺脫矣

案漢書儒林傳注引衛宏尚書序曰伏生老不能正言使其女傳教鼂錯齊人語與潁川異錯所不知十二三略以意讀之而已

又曰或說尚書二十九篇者法曰斗與七宿也四七二十八篇其一曰斗矣故二十九篇夫尚書滅絕於秦其見在者二十九篇安得法乎宣帝之時得佚尚書及易禮各一篇數亦始足焉得有法案百篇之序闕遺者七十一篇獨爲二十九篇立法如何或說曰孔子更選二十九篇二十九篇獨有法也蓋俗儒之說也未必傳記之明也二十九篇殘而不足有傳之者因不足之數立取法之說失聖人之意違古今之實夫經之有篇也猶有章句也猶有文字也文字有意以立句句有數以連章章有體以成篇篇則章句之大者也謂篇有所法是謂章句復有所法也

曰若稽古帝堯曰放勳

案文選王文考魯靈光賦粵若稽古帝漢祖宗李善注引

書曰粵若稽古帝堯又東都賦注引尚書文同尚書正義
本作曰若後漢書班固傳李賢注亦作曰與正義本同粵
曰古今文之異今文曰若稽古古文皆作粵若無作曰者
逸周書武穆解粵若稽古曰昭天之道熙帝之載逸周書
本古文也據武穆解亦作粵若是古文作粵之證白虎通
義聖人篇云何以言咎繇聖人以目篇曰若稽古咎繇故
云據白虎通引咎繇謨作曰若是今文作曰之證又桓譚
新論云秦延君能說堯典但說曰若稽古三萬言攷秦延
君傳小夏侯尚書見漢書儒林傳尤足為今文尚書作曰
之明驗也

鄭元尚書注稽同也古天也言能順天而行之與之同功

案陳壽三國志高貴鄉公幸太學講尚書帝問曰鄭元云
稽古同天言堯同于天也王肅云堯順攷古道而行之二
義不同何者為是博士庾峻對曰先儒所執各有乖異臣
不足以定之然洪範三人占從二人之言賈馬及肅皆以
為順攷古道以洪範言之肅義為長帝曰仲尼言唯天為
大唯堯則之堯之大美在乎則天順攷古道非其至也今
發篇開義以明聖德而舍其大更稱其細豈作者之意邪
喬樅謂正義言鄭君解稽古為同天用尚書緯說此今文
誼也故與賈馬古文說異高貴鄉公之言誠為篤論矣

後漢書范升傳升遷博士奏光武曰臣聞王不稽古無以承

天

又李固傳固所奏免百餘人其作飛章曰臣聞君不稽古無以承天

案李固傳解說稽古之義亦以承天言之與范博士同是皆以古爲天用今文尙書家之訓故皆述所聞言之也升爲建武博士時尙書令韓歆欲爲費氏易左氏春秋立博士帝朝公卿大夫博士見於雲臺令范博士可前平說升獨持不可退而奏言云云則升非好古學者故知於尙書必習三家今文也

尙書大傳略說曰堯者高也饒也言其興隆炳煥最高明也○又曰堯八眉八眉者如八字者也

案鄭元注大傳敘曰伏生爲秦博士至孝文時年且百歲張生歐陽生從其學而授之音聲猶有譌誤先後猶有差舛重以篆隸之殊不能無失生終後數子各論所聞以己意彌縫其闕別作章句又特撰大義因經屬指名之曰傳劉子政校書得而上之凡四十一篇至元始詮次爲八十三篇攷唐書藝文志有伏生大傳三卷暢訓一卷隋志則無大傳而有暢訓先大夫尙書大傳定本云案尙書大傳有略說一篇諸經義疏每引之暢訓當爲略說蓋形近之譌也

大戴禮五帝德篇宰我曰請問帝堯孔子曰高辛之子也曰放勳其仁如天其知如神就之如日望之如雲富而不驕貴而不豫黃黼黻衣丹車白馬伯夷王禮夔龍教舞舉舜彭祖

而任之四時先民治之其言不貳其德不回四海之內舟車所至莫不說夷其德

案漢書儒林傳云夏侯勝其先夏侯都尉從濟南張生受尚書以傳族子始昌始昌傳勝勝傳從兄子建建又事歐陽高攷張生與歐陽生俱伏生所教弟子見史記儒林傳始昌爲伏生三傳弟子兼通五經后蒼事始昌亦通詩禮爲博士戴德戴聖皆其弟子大小戴禮記與大小夏侯尚書並出自始昌師傅既同則所述師說宜無不同矣茲故備錄之以爲參觀互證之助焉

淮南子詮言訓曰無以天下爲者必能治天下者霜雪雨露生殺萬物天無爲焉猶之貴天也厭文搔法治官理民者有司也君無事焉猶尊君焉辟地墾草者后稷也決河濬江者禹也聽獄制中者皋陶也有聖名者堯也故得道以御者雖無能必使能者爲己用不得其道伎藝雖多未有益也

案詮言訓以天况堯卽孔子惟天爲大惟堯則之之意與鄭君所言堯能順天而行之與天同功其誼正合然則今文家以稽古爲同天之訓夫有所受之矣是蓋孔氏之微言大義而秦漢以來經師相承舊說也

應劭風俗通義皇霸篇春秋運斗樞說伏羲女媧神農是三皇也禮號諡記說伏羲祝融神農含文嘉說伏羲燧人神農尙書大傳說遂人爲遂皇伏羲爲戲皇神農爲農皇也遂人以火紀火太陽也陽尊故託遂皇於天伏羲以人事紀故託

戲皇於人蓋天非人不因人非天不成也神農悉地方種穀
 疏故託農皇於地天地人道備而三五之運興矣謹案易稱
 古者伏羲氏之王天下也又稱伏羲氏沒神農氏作唯獨敘
 二皇不及遂人遂人功重於祝融女媧文明大見大傳之義
 斯近之矣易傳禮記春秋國語太史公記黃帝顓頊帝嚳帝
 堯帝舜是五帝也謹案易尚書大傳天立五帝以為相四時
 施生法度明察春夏慶賞秋冬刑罰帝者任德設刑以則象
 之言其能行天道舉錯審諦也黃帝始制冠冕垂衣裳上棟
 下宇以避風雨禮文法度興事創業黃者光也厚也中和之
 色德施四季與地同功故先黃以別之也顓者專也頊者信
 也言其承文易之以質使天下蒙化皆貴貞懿也嚳者考也

成也言其考明法度醕美譽然如酒之芬香也堯者高也饒
 也言其隆興炳煥最高明也舜者推也循也言其推行道德
 循堯緒也

案劉熙釋名以為其尊高堯堯然物莫之先故謂之堯也
 義即本之尚書大傳又尚書正義引譙周亦以堯為號皆
 從今文尚書說

曰放勳

史記三代世表高辛生放勳放勳為堯帝堯起黃帝至佶子
 五世號唐堯

又五帝本紀帝堯者放勳其仁如天其知如神就之如日望
 之如雲富而不驕貴而不舒黃收純衣彤車乘白馬

案漢書儒林傳言孔氏有古文尚書孔安國以今文讀之因以起其家逸書得千餘篇蓋尚書滋多於是矣遭巫蠱未立於學官司馬遷從安國問故遷書載堯典禹貢洪範微子金縢諸篇多古文說今攷史記五帝紀太史公曰學者多稱五帝尚矣然尚書獨載堯以來而百家言黃帝其文不雅馴薦紳先生難言之孔子所傳宰予問五帝德及帝繫姓儒者或不傳余嘗西至空峒北過涿鹿東漸於海南浮江淮矣至長老皆各往往稱黃帝堯舜之處風教固殊焉總之不離古文者近是書缺有閒矣其軼乃時時見於他說非好學深思心知其意未易爲淺見寡聞者道也余并論次擇其言尤雅者故著爲本紀書首遷之言如此

然則遷所采取軼說皆擇其與古文尚書有合者乃載之史記誠以尚書百篇伏生所傳僅二十九篇而古文逸書得多十六篇較伏生爲稍備耳如堯本紀言堯授舜則天下得其利至踐天子位焉云云舜本紀言堯賜舜絺衣與琴爲築倉廩予牛羊及瞽叟使舜塗廩穿井至舜復事瞽叟愛弟彌謹云云又言高陽氏有才子八人至於是四門闢云云皆今文尚書所缺時或散見於書傳而於古文逸書有合者故云遷所載尚書多古文說也至其所錄尚書文字則悉依今文段氏玉裁謂漢人援引尚書皆用見立學官今文其說甚確喬樞聞諸先大夫曰五帝紀之載堯典居郁夷曰柳谷便在伏物黎民始飢五品不訓五流有

度五度三居夏本紀之載禹貢維箴輅楛榮播既都周本紀之載洪範毋侮鰥寡皆與今文昭合司馬子長時書惟有歐陽其大小夏侯二家未立學官是則史記所據尚書乃歐陽本所述訓義亦今文家之言也

又案段玉裁云曰若稽古四字爲句不獨臯陶謨也蓋堯典亦然帝堯曰放勳五字爲句逸周書武穆解曰若稽古昭天之道此可證也漢策文亦多云惟稽古喬樅謂此不盡然也據白虎通引咎繇謨以曰若稽古咎繇六字連文則知今文家讀堯典亦以曰若稽古帝堯六字爲句曰放勳三字爲句矣

劉向說苑君道篇河間獻王曰堯存心於天下加志於窮民痛萬姓之罹罪憂眾生之不遂也有一民饑則曰此我飢之也有一民寒則曰此我寒之也一民有罪則曰此我陷之也仁昭而義立德博而化廣故不賞而民勸不罰而民治先恕而後教是堯道也

漢書律厯志唐帝帝孫曰帝嚳四妃陳豐生帝堯封於唐蓋高辛氏衰天下歸之木生火故爲火德天下號曰陶唐氏讓天下於虞使子朱處於丹淵爲諸侯卽位七十載白虎通諡篇曰帝者天號也以爲堯猶諡顧上世質直死後以其名爲號耳所以諡之爲堯何爲諡有七十二品禮記諡法曰翼善傳聖曰堯仁聖盛明曰舜

案陸德明尚書釋文引馬融云堯諡也翼善傳聖曰堯放

勳堯名皇甫謐同一云堯字喬樅謂堯非謚乃號也史記
去明言號唐堯安得以此爲謚檀弓曰死謚周道也自殷以
以前未有謚法但以生前之號仍爲死後之稱如黃帝顓頊
帝嚳堯舜皆是也尙書大傳說五帝之稱皆與堯爲一例
是伏生以堯爲號史記從尙書大傳說故云號唐堯也尙
書正義云周書謚法周公所作而得有堯舜禹湯者因上
古世之生號陳之爲死謚明上代質樸生死同稱以此堯舜
或云號或云謚也

白虎通號篇書曰帝堯帝舜謂之堯者何堯猶巍巍也至高
之貌清妙高遠優游博遠眾聖之主百王之長也謂之舜者
何舜猶僣僣也言能推信堯道而行之或曰唐虞者號也唐
蕩蕩也蕩蕩者道德至大之貌也虞者樂也言天下有道人
皆樂也

案白虎通此文卽述尙書今文家之說所云推信堯道及
風俗通所引尙書大傳舜者推也言其推行道德三推字
皆當作推疑是傳寫之譌當據太平御覽引訂正爲推字
白虎通爵篇帝王之德有優劣所以俱稱天子者何以其俱
命於天而王治五千里內也尙書曰天子作民父母以爲天
下王何以知帝亦稱天子也以法天下也中候曰天子臣放
勳書無逸篇曰厥兆天子爵

案據尙書中候則放勳乃堯之名此今文尙書說也陸德
明釋文引一云放勳堯字其說非是孔穎達正義引鄭注

中候云重華舜名鄭知是名者以帝繫云禹名文命以上類之亦名也許慎說文解字力部云勳古文作勳从員攷周禮司勳注故書勳作勳鄭司農曰勳讀為勳勳功也今以說文殂字下引虞書曰放勳乃殂落證之則尚書古文命作勳矣勳古勳字三家尚書雖皆今文而亦時存古字此類是也

王符潛夫論五德志篇慶都與龍合婚生伊堯代高辛氏其眉八彩世號唐作樂大章始禪位

論衡恢國篇堯以唐侯入嗣帝位

又吉驗篇堯體就之如日望之如雲有殊奇之骨故有詭異之驗有神靈之命故有驗物之效天命當貴故從唐侯入嗣

帝后之位

又須頌篇成湯遭旱周宣亦然然而成湯加成宣王言宣无妄之災不能虧政臣子累諡不失實也由斯以論堯堯亦美諡也時亦有洪水百姓不安猶言堯者得實考也

又藝增篇論語曰大哉堯之為君也蕩蕩乎民無能名焉傳曰有年五十擊壤於路者觀者曰大哉堯德乎擊壤者曰吾日出而作日入而息鑿井而飲耕田而食堯何等力此言蕩蕩無能名之效也

欽明文憲晏晏

後漢書馮衍傳顯志賦曰思唐虞之晏晏○唐章懷太子賢注引尚書考靈耀曰放勳欽明文思晏晏

又和熹鄧后紀劉毅上書曰崇晏晏之政○注引尚書考靈
耀曰文寒晏晏

又第五倫傳曰體晏晏之姿以寬宏羣下○注引尚書考靈
耀曰堯文寒晏晏

又陳寵傳曰宏崇晏晏○注引尚書考靈耀曰堯聰明文寒
晏晏

案章懷注數引考靈耀皆作文寒則馮衍傳注所引亦當
作文寒

又邳憚子壽附傳何敞上疏曰誠不欲聖朝行誹謗之誅已
傷寒晏之化○注引鄭元注尚書考靈耀云道德純備謂之
寒寬容覆載謂之晏

案據何敞言寒晏之化益足證今文尚書之作文寒晏晏
矣其作文思安安者乃古文尚書堯典正義引鄭尚書注
云敬事節用謂之欽照臨四方謂之明經緯天地謂之文
慮深通敏謂之思此古文尚書說也鄭爲古文尚書注各
如其字釋之故解思字與考靈耀注文異義別尚書考靈
耀本是今文故鄭君作注皆用今文家說也尚書釋文引
馬融云威儀表備謂之欽照臨四方謂之明經緯天地謂
之文道德純備謂之思解欽字思字又與鄭注不同蓋讀
思字爲寒參用今文家說也

崔瑗司隸校尉箴曰昔唐虞晏晏庶績以熙

蔡邕司空袁逢碑其惠和也晏晏然

論衡恢國篇唐之晏晏

案晏字古通用安漢書古今人表有晏孺子即左傳之安

孺子也

徐幹中論智行篇書美唐堯欽明為先

三國志曹植傳植上疏曰資帝唐欽明之德

隸釋魏受禪表欽明文塞

案塞塞古相通用塞即从塞省聲也思塞同部雙聲故古

文作思今文作塞或作塞也

允恭克讓

說苑敬慎篇昔堯履天子之位猶允恭以持之虛靜以待下

故百載以逾甚迄今而益章

漢書藝文志道家者流清虛以自守卑弱以自持此人君南

面之術也合於堯之克讓○師古曰讓古讓字

案尚書正義引鄭注云不懈于位曰恭推賢尚善曰讓其

訓讓字與班固義亦相近

允恭克讓

韋昭國語注書曰允恭克讓

光被四表假于上下

漢書蕭望之傳黃霸于定國等議曰陛下聖德充塞天地光

被四表

後漢書順帝紀陽嘉三年詔曰不顯之德假于上下

中論法象篇唐堯之帝允恭克讓而光被四表

三國志曹植傳植上疏曰崇光被時雍之美

橫被四表

漢書王褒傳聖主得賢臣頌曰化溢四表橫被無窮

又王莽傳莽奏曰昔唐虞橫被四表

後漢書馮異傳永初六年安帝詔曰昔我光武受命橫被四

表昭假上下

案後漢書桓焉傳云焉傳歐陽尚書永初元年入授安帝

又鄧宏傳云宏少治歐陽尚書授帝禁中是安帝於尚書

習歐陽氏之學也作橫被者當為歐陽今文本其作光被

者乃大小夏侯之異文黃霸從夏侯勝學尚書故引堯典

文作光被也

又班固傳西都賦曰橫被六合

又崔駰傳崔篆慰志賦曰聖德滂以橫被兮黎庶愷以鼓舞

又陳寵傳寵上疏曰聖德充塞假于上下

案說文入部云假至也虞書曰假于上下是古文今文並

同隸古定本尚書假字衛包皆改作格非是

克明峻德以親九族九族既睦便章百姓百姓昭明協和萬國

黎民於蕃時雍

史記五帝紀能明馴德以親九族九族既睦便章百姓百姓

昭明合和萬國○徐廣曰馴古訓字下云便程東作然則訓

平為便也○司馬貞索隱曰史記馴字徐廣皆讀曰訓訓順

也言聖人能順人也平既訓便因作便章其今文作辯章便

則訓辯遂為辯章鄒誕生本亦同也
又高祖功臣侯年表敘書曰協和萬國○又曰尚書有唐虞之侯伯歷三代千有餘歲自全以蕃衛天子豈非篤於仁義而奉上法哉

案史記述尚書多以訓詁代經文如此紀所引作能明馴德合和萬國之類是也

禮記大學帝典曰克明峻德

許慎五經異義今尚書歐陽說九族乃異姓有屬者父族四母族三妻族二皆據異姓有服

案詳見歐陽夏侯經說攷

白虎通宗族篇族者何也族者湊也聚也謂恩愛相流湊也生相親愛死相哀痛有會聚之道故謂之族尚書曰以親九族族所以九何九之言究也親疏恩愛究竟也謂父族四母族三妻族二父族四者謂父之姓一族也父女昆弟適人有子為二族也身女昆弟適人有子為三族也身女子適人有子為四族也母族三者母之父母一族也母之昆弟二族也母昆弟子三族也母昆弟者男女皆在外親故合言之妻族二者妻之父為一族妻之母為二族妻之親略故父母各一族禮曰惟氏三族之不虞尚書曰以親九族義同也

案許叔重五經異義言今禮戴尚書歐陽說九族皆據異姓有服孔穎達春秋桓六年正義引尚書歐陽夏侯說九族乃異姓有親屬者云云與白虎通宗族篇文同是大小

戴禮與大小夏侯尚書同一師承所述師說亦皆相合於此又獲一左驗矣

漢書平當傳當上書曰昔者帝堯南面而治克明峻德以親九族而化及萬國

案平當習歐陽尚書見於儒林傳是歐陽經作峻德與大學所引文同

又王莽傳今九族親睦百姓既章萬國和協黎民時雍

又地理志昔在黃帝作舟車以濟不通旁行天下方制萬國畫野分州得百里之國萬區是故易稱先王以建萬國親諸侯書云協和萬國此之謂也

又敘傳述地理志自昔黃帝經略萬國變定東西疆理南北又高惠文功臣表敘杜業說曰昔唐以萬國致時雍之政

又成帝紀陽朔二年詔書云黎民於蕃時雍明以陰陽爲本也○應劭曰黎眾也時是也雍和也言眾民于是變化用是大和也○韋昭曰蕃多也○師古曰尚書作變而此紀作蕃兩說竝通

案易文言曰天地變化草木蕃天地閉賢人隱故應劭以變化說蕃字之義也古文尚書作於變今文尚書作於蕃韋昭以蕃訓爲多如其字釋之從今文家說也

論衡藝增篇尚書協和萬國是美堯德致太平之化化諸夏并及夷狄也言協和可也言萬國增之也夫唐之與周俱治五千里內周時諸侯于七百九十三國荒服戎服要服及四

皇清經解續編
海之外不粒食之民若穿胸儻耳焦僂跂踵之輩并合其數不能三千天之所覆地之所載盡於三千之中矣而尚書云萬國欲言堯之德大所化者眾諸夏夷狄莫不雍和故曰萬國夫千與萬數之大名也故尚書言萬國又儒增篇百與千數之大者也實欲言十則言百百則言千矣是與書言協和萬國詩言子孫千億同一意也

克明俊德

論衡程材篇堯以俊德致黎民雍

叶和萬國

論衡齊世篇經言叶和萬國

案此亦今文尚書之存有古字者說文叶字云古文協从

日十叶或从口協眾之同和也从彡从十

辨章百姓

詩小雅采菽正義堯典平章百姓書傳作辨章

癸辛雜識前集引尚書大傳曰辨章百姓百姓昭明

班固典引曰惇睦辨章之化洽

辨章百姓

後漢書劉愷傳愷議曰職在辨章百姓○注引尚書曰九族

既睦辨章百姓鄭元注云辨別也章明也

采章百姓

白虎通姓名篇姓生也人所稟天氣所以生者也尚書曰采章百姓姓所以有百者何以爲古者聖人吹律定姓以記其

族人含五常而生身有五音宮商角徵羽轉而相雜五五二十五轉生四時故百而異也氣殊音悉備皆殊百也

案說文采部云采辨別也讀若辦又廿部弄字云采古文辦據此則尙書古文當作采章今文當作辦章辦辯古書通用其作使者音同假借字爾雅釋訓便便辯也是義亦與辯通伏生尙書雖用今文間亦存有古字如九共傳使民采采卽辨別之辨今本皆改爲平平白虎通所引尙書采章百姓之改作平章亦猶是也史記作便章蓋本之歐陽尙書他所引作采章辯章者殆大小夏侯之異文與協和萬邦

後漢書明帝紀中元二年詔曰協和萬邦假于上下

案桓榮習歐陽尙書授明帝經見後漢書榮本傳則明帝所受尙書乃歐陽之學也

於六時雍

洪适隸釋漢孔宙碑於六時雍

案段氏古文尙書撰異云六卽今之六字弁之變體弁蓋蕃之假借古音弁讀如盤喬縱謂作六者亦三家今文之異字也示樂也義見爾雅釋詁弁樂也義見詩小弁毛傳三國志曹植傳植上疏曰臣聞天稱其高者以無不覆地稱其廣者以無不載故孔子曰大哉堯之爲君惟天爲大惟堯則之夫天德之於萬物可謂宏廣矣蓋堯之爲教先親後疏自近及遠其傳曰克明峻德以親九族九族既睦平章百姓

皇清經解續編 今文尚書經說攷一上 三
誠骨肉之恩爽而不離親親之義實在敦固未有義而後其君未有仁而遺其親者也

裴松之三國志注引魏氏春秋曹冏上書曰臣聞古之王者必建同姓以明親親書曰克明峻德以親九族

迺命羲和欽若昊天厯象日月星辰敬授民時

史記五帝紀乃命羲和敬順昊天數法日月星辰敬授民時

○索隱曰尚書言厯象則此言數法是訓厯象二字謂命羲和以厯數之法觀察日月星辰之早晚以敬授人時也

又厯書曰堯立羲和之官明時正度則陰陽調風雨節茂氣

至民無天疫年者禪舜申戒文祖云天之厯數在爾躬舜亦

以命禹繇是觀之王者所重也

漢書律厯志厯數之起上矣傳述顓頊命南正重司天火正

黎司地其後三苗亂德二官咸廢而閏餘乖次孟陬殄滅攝

提失方堯復育重黎之後使纂其業故書曰迺命羲和欽若

昊天厯象日月星辰敬授民時

案尚書正義引鄭志答趙商云先師以來皆云火當爲北

詩檜風正義引尚書鄭志答趙商云火當爲北則黎爲北

正也韋昭引唐固說亦以火當爲北北陰位以五行官有

火正祝融則火官之號若天地之官據陰陽之位對南正

爲文則爲北正是黎一人居二官也

又藝文志陰陽家者流蓋出於羲和之官順昊天厯象日

月星辰敬授民時此其所長也

又食貨志堯命四子以敬授民時是爲政首

又百官公卿表敘書稱唐虞之際命羲和四子順天文授民時○應劭曰堯命四子分掌四時之教也

又魏相傳相上書曰明王謹於尊天慎於養人故立羲和之官以乘四時節授民事

又李尋傳尋說王根曰書曰厯象日月星辰此言仰視天文俯察地理觀日月消息候星辰行伍又曰敬授民時故古之王者尊天地重陰陽敬四時嚴月令順之以善政則和氣可立致猶桴鼓之相應也

案李尋書張山拊受小夏侯尚書見漢書儒林傳則尋所說尚書是小夏侯之學也

又王莽傳莽下書曰欽若昊天敬授民時

續漢書律厯志元和二年制書昔堯命羲和厯象日月星辰舜叶時月正日湯武革命治厯明時可謂正矣

案後漢書章帝紀言肅宗於永平三年立爲皇太子好儒術顯宗器重之又桓郁傳言永平十五年入授皇太子經是章帝於尚書習歐陽桓君大小章句之學也

律厯志又曰若夫祐術開業煥耀天光重黎其上也承聖帝之命若昊天典厯象三辰以授民事立閏定時以成歲功羲和其隆也取象金火革命創制治厯應天順民湯武其盛也後漢書質帝紀本初元年詔昔堯命四子以欽天道

又魯恭傳恭上疏曰敬若天時憂念萬民爲崇和氣所以助

仁德順昊天致和氣利黎民者也

又恭議奏曰夫陰陽之氣相扶而行發動用事各有時節若不當其時則物隨而傷王者雖質文不同而茲道無變四時之政行之若一○又曰夫王者之作因時爲法深惟古人之道助三正之微定律者令冀承天心順物性命以致時雍又襄楷傳楷上疏曰臣聞皇天不言以文象設教堯舜雖聖必厯象日月星辰察五緯所在故能享百年之壽爲萬世之法

又劉陶傳陶議曰先王觀象育物敬授民時

許慎五經異義天號第六今尚書歐陽說春曰昊天曰蒼天秋曰旻天冬曰上天總爲皇天

案詳見歐陽夏侯經說攷

說文解字夂部昊字云春爲昊天元氣昊昊从日夂夂亦聲案此亦用今尚書說也許君異義以古尚書說爲長而於說文仍从今尚書家爲訓蓋以經師相傳如是且與爾雅相應也

王符潜夫論愛日篇國之所以爲國者以有民也民之所以爲民者以有穀也穀之所以豐殖者以有民功也功之所以能建者以有日力也化國之日舒以長故其民間暇而力有餘亂國之日促以短故其民困窮而力不足舒長者非謂義和安行乃君明民靜而力有餘也促短者非分度損減乃上闇下亂而力不足也聖人深知力者乃民之本也而國之基

故務省繇役而爲民愛日是以堯勅羲和欽若昊天敬授民時

又班祿篇欽若昊天敬授民時是以天地交泰陰陽和平民無姦慝機衡不傾德氣流布而頌聲作也

徐幹中論脉數篇昔少皞氏之衰也九黎亂德民神雜揉不可方物顓頊受之乃命南正重司天以屬神北正黎司地以

屬民使復舊常毋相侵黷其後三苗復九黎之德堯復育重黎之後不忘舊者使復典教之故書曰乃命羲和欽若昊天

厯象日月星辰敬授民時於是陰陽調和灾厲不作休徵時至嘉生蕃育民人康樂鬼神降福舜禹受之循而無失也

三國志魏武紀注引王沈魏書丙戌令史官奏修重黎羲和之職欽若昊天厯象日月星辰以奉天時

分命羲仲度嵎鐵

尚書正義云夏侯等書宅嵎夷爲宅嵎鐵

案江聲尚書集注音疏云今文宅皆爲度宅度字同讀當

從度蔡邕石經本作度蔡石經是今文也又鄭注周禮縫

人引此下經度西曰柝谷賈公彥以爲伏生大傳是伏生

本作度也出此以推則下文宅南交宅朔方今文亦皆作

度也段玉裁云正義引夏侯歐陽等書宅嵎鐵字作宅蓋

誤依古文尚書耳楊雄方言度尺也東濟海岱之間或曰

度與今文尚書合

度郁夷

史記五帝紀分命羲仲尻郁夷○裴駙集解曰尙書作嵎夷
○索隱曰蓋郁夷亦地之別名也

案此引作尻者子長以訓詁代經文也禹郁一聲之轉據
尙書釋文則史記亦有本作禹鍊也

度禹鍊

尙書釋文云尙書考靈耀及史記作禹鍊

案鍊卽古文鐵字鐵黑金也古音通夷故從夷作鍊鍊鐵
字同禹夷卽嵎鍊之省文今文尙書或作嵎鐵或作禹鍊
讀皆同夷皆二家之異文也說文土部云嵎夷在冀州
陽谷立春日日直之而出从土禹聲尙書曰宅嵎夷許所
據作嵎夷及陽谷者皆古文尙書也江聲以爲冀字蓋誤
也當爲青州禹貢云嵎夷既略青州分也

曰陽谷

曰湯谷

史記五帝紀曰陽谷○索隱曰史記舊本作湯谷今竝依尙
書字按淮南子曰出湯谷浴于咸池則湯谷亦有他證明矣
案說文爻部云爻日初出東方湯谷所登榑桑爻木是湯
谷爲日出之所故淮南子云日出于湯谷又攷說文日部
云暘日出也唐書曰曰暘谷山部云暘山在遼西一曰嵎
鍊暘谷也據許引古文作陽谷疑暘谷暘谷湯谷皆三家
尙書之異文

後漢書東夷列傳昔堯命羲仲宅嵎夷曰暘谷蓋日之所出

也○又贊曰宅是嵎夷日乃暘谷

論衡說日篇日之出近也其入遠不復見故謂之入運見於東方近故謂之出人望不過十里天地合矣遠非合也今視日入非入也遠也當日入西方之時其下民亦謂之日中儒者論日日出扶桑暮入細柳扶桑東方地細柳西方野也桑柳天地之際日月常所出入之處如實論之日不出於扶桑入於細柳何以驗之隨天而轉近則見遠則不見當於扶桑細柳之時從扶桑細柳之民謂之日中之時從扶桑細柳察之或時爲日出入若以其上者爲中旁則爲旦夕安得出於扶桑入細柳禹貢山海經言日有十在海外東方有湯谷上有扶桑十日沐浴水中有大木九日居下枝一日居上枝淮南書又言燭十日堯時十日竝出萬物焦枯堯上射十日以故不竝一日見也誠實論之如日有十其氣必異今觀日光無有異者察其大小前後若一天安得十日然則所謂十日者殆更自他物光質如日之狀居湯谷中水時緣據扶桑禹益見之則紀十日天地之間物氣相類其實非者多十日似日非實日也

寅賓出日

尚書大傳略說曰春迎日於東郊謂春分迎日也堯典曰寅賓出日此之謂也

案尚書正義引鄭注云寅賓出日謂春分朝日攷馬融注周官韋昭注國語皆云天子以春分朝日均用伏生大傳

說

史記五帝紀敬道日出

案史記言敬道日出者此以訓詁代經文也攷說文寅辰

名寅敬惕也則此寅字當作寅故史記以敬代之李璇孔

子庶碑作寅賓集韻亦引寅淺納日皆其證也爾雅釋故

寅敬也李善文選注引爾雅云寅敬也是爾雅字亦作寅

矣賓尚書釋文云賓如字徐音儼說文人部曰儼導也據

史記以道字代賓字則知尚書蓋假賓為儼導之儼也

蔡邕獨斷曰天子父事天母事地兄事日姊事月常以春分

朝日于東門之外示有所尊訓民人事君之道也秋分夕月

于西門之外別陰陽之義也

辨秩東作

辨秩東作

周禮馮相氏注辨其敘事謂若仲春辨秩東作仲夏辨秩南

譌仲秋辨秩西成仲冬辨在朔易○賈公彥疏曰按尚書皆

作平秩不為辨秩今皆云辨秩據書傳而言

案鄭君注周禮用今文尚書故皆作辨秩史記索隱引尚

書大傳作辨秩其文微異

尚書大傳唐傳曰東方者何也動方也物之動也何以謂之

春春出也萬物之出也故謂東方春也

便秩東作

便秩東作

是書經說攷一上

今文尚書經說攷一上

史記五帝紀便程東作○索隱曰劉伯莊傳皆依古文作平
秩音然尚書大傳曰辯秩東作則是訓秩爲程言便課其作
程者也○張守節正義程竝如字後同耕作在春故言
東作命義仲訓萬民東作之事使有程期

案史記集解引尚書傳亦作便秩東作然則作便程者蓋
歐陽家之異文也古文秩作𠄎說文豐部云𠄎爵之次弟
也从豐从弟虞書曰平𠄎東作此据古文經也尚書釋文
云平馬作萃普庚反云使也下皆放此攷爾雅釋故扞使
也馬融蓋讀萃爲扞段玉裁云古者平辨皆訓使如雜詁
扞來以圖漢書劉向傳作平來以圖又扞來示予漢人所
引亦作辨來示予書序王俾榮伯馬本俾作辨詩桑柔傳

云辨使也爾雅釋故云俾拏扞使也集韻十三耕曰拏扞
扞逆平萃六字同玉裁謂平與辨清真之合平與俾清支
之合也詩書作從草之辨萃皆字之假借也說文引虞書
作平馬作萃鄭作辨此均古文尚書而因音近不同也尚
書大傳辯秩辯在皆作辯史記五帝紀皆作便此皆今文
尚書辨辯便古皆通用不得云今文與古文異也

平秩東作
孟子萬章篇趙岐注曰東野人東作田野之人書曰平秩東
作謂治農事也

案趙邠卿注孟子所引書皆三家今文尚書而字作平或
曰三家今文亦有作平者或後人改之皆未可定也

日中星鳥以殷中春

史記五帝紀日中星鳥以殷中春

尚書大傳曰至春者張昏中可以種穀至夏者火昏中可以種黍至秋者虛昏中可以種麥至冬者昴昏中可以收斂田獵斷伐當上告之天子而下賦之民故天子南面而視四星之中知民之緩急急則不賦籍不舉力役故曰敬授人時此之謂也○注云虛北方元武之宿八月昏中見於南方籍公家之常儀

禮記月令正義引尚書考靈耀曰至春者鳥星昏中可以種稷至夏者心星昏中可以種黍至秋者虛星昏中可以種麥至冬者昴星昏中可以入山可以斬伐具器械王者南面而立視四星之中而知民之緩急急則不賦力役故敬授民時

案考靈耀之言與伏生書傳同大傳於至冬者昴云云下有當上告之天子而下賦之民十一字義更完備

宋李昉太平御覽時序部引尚書考靈耀曰鳥星為春候火星為夏期專陽相助同精感符虛星為秋候昴星為冬期陰氣相佐德乃弗邪○鄭康成注云虛星北方宿也昴星西方宿也陰指母也

淮南子至術訓曰張昏中則務種穀大火中則種黍菽虛中則種宿麥昴中則收斂畜積伐薪木

案淮南王時尚書唯有歐陽氏傳伏生之學初立博士至術訓云云皆用今文家尚書說也

說苑雜言篇古者有王四時者至春者張昏而中可以種穀
上告于天子下布之民至夏者大火昏而中可以種黍菽上
告于天子下布之民至秋者虛昏而中可以種麥上告于天
子下布之民至冬者昴昏而中可以斬伐田臘蓋藏上告于
天子下布之民故天子南面視四星之中知民之緩急急則
不賦藉不舉力役書曰敬授民時詩曰物其有矣維其時矣
物之所以有而不絕者以其動之時也

案說苑此節全據尚書大傳之文古者聖帝明王恆以民
事為重民之大事在農故尤以農時為先務立義和之官
以至四時每屆一時必以所當務者上告于天子下布之
民民無廢事農無失時而萬物得以各遂其生矣厥後夏
小正時則月令諸書皆本之堯典孔子刪定百篇以堯典
為首尊而重之若天書然謂之曰尚書蓋以此也

厥民析鳥獸字微

史記五帝紀其民析鳥獸字微○集解曰乳化曰字尚書微
作尾字說文云尾交接也

案說文解字敘云字者言孳乳而寢多也解字云尾微也
劉熙釋名云尾微也承脊之末稍微殺也汗簡云古文尚
書字作孳則作字微者是三家今文矣戰國策尾生高高
誘注以為即論語之微生高是尾與微通也

高誘呂覽仲春紀耕者少舍注云皆耕在野少有在都邑者
也尚書曰厥民析散布在野

申命義叔度南交

史記五帝紀申命義叔度南交

案尚書正義云幽之與明文恆相對北既稱幽則南當稱明從此可知鄭云夏不言日明都三字摩滅也伏生所誦與壁中舊本並無此字非摩滅也王肅以夏無明都避敬致然即幽足見明闕文相避如肅之言義可通矣
尚書大傳曰南方者何也任方也任方者物之方任何以謂之夏夏者假也吁茶萬物養之外者也故曰南方夏也○注云吁茶讀曰墟舒

辨秩南譌

尚書大傳曰中夏辨秩南譌

便程南譌

便程南爲

史記五帝紀便程南譌○索隱本作便程南爲云爲依字讀言東作言南爲皆是耕作營爲勤農之事

辨秩南僞

漢書王莽傳莽曰予以二月建寅之節行巡狩之禮予之東巡必躬載耒每縣則耕以勸東作予之南巡必躬載耨每縣則耨以勸南僞予之西巡必躬載銓每縣則穫以勸西成予之北巡必躬載拂每縣則粟以勸蓋藏

案據此足證三家今文有作南爲者僞即古爲字也淮南天文訓曰歲旱禾不爲高誘注云爲成也禾成於夏故曰

南爲古僞字多消文作爲說文解字爲母猴也作爲之爲當從人作僞字引申之爲詐譎爾雅釋詁載謨食詐僞也載謨者謀爲之爲食詐者虛僞之僞兼二義也索隱本史記作南爲爲僞古書通用以南爲訓作耘媾蓋亦三家今文之說

敬致日永星火以正中夏

史記五帝紀敬致日永星火以正中夏案周禮馮相氏冬夏致日春秋致月鄭注云冬至日在牽牛景長丈三尺夏至日在東井景尺五寸此長短之極極則氣至冬無嘗陽夏無伏陰春分日在婁秋分日在角而月弦于牽牛東井亦以其景知氣至與否春秋冬夏氣皆至則是四時之敘正矣鄭君注周禮多據今文尚書其釋致日致月云云卽此經敬致之義經獨於夏言敬致者蓋舉一以例三時也

厥民因鳥獸希革

史記五帝紀其民因鳥獸希革漢書鼃錯傳錯言守邊備塞事曰揚粵之地少陰多陽其人疏理鳥獸希毛其性耐暑

案詩斯干正義引鄭尚書注云夏時鳥獸毛疏皮見與鼃錯言鳥獸希毛說同希字卽稀之消借攷漢書鼃錯傳云孝文時天下亡治尚書者獨聞齊有伏生故秦博士治尚書年九十餘老不可徵迺詔太常使人受之太常遣錯受

尚書伏生所還因上書稱說顏師古注云謂稱師法而說其義則此所稱卽述伏生尚書之說也儒林傳注師古文引衛宏定古文尚書序云伏生老不能正言使其女傳言教錯齊人語多與潁川異錯所不能知者凡十二三略以其意屬讀而已王充論衡又言景帝使鼂錯往從受尚書二十餘篇伏生老死書殘不竟鼂錯傳於兒寬攷史記及漢書儒林傳皆云寬受尚書於歐陽生不云鼂錯所傳仲任之語未詳何據然寬本傳言寬以郡國選詣博士受業孔安國則寬治尚書實不一師蓋先受業於歐陽生後又從鼂錯傳伏生所授尚書最後又受業於孔安國故其業最精厥後歐陽大小夏侯之學皆出於寬也

分命和仲度西曰柳穀

周禮天官縫人娶柳注云柳之言聚諸飾之所聚書曰分命和仲度西曰柳穀○賈疏云書曰者是濟南伏生書傳文柳者諸色所聚曰將沒其色赤兼有餘色故曰柳穀

案尚書大傳虞傳云維元祀巡守四嶽秋祀柳穀華山鄭注云八月西巡守祭柳穀之氣於華山也是作柳穀者伏生今文也史記舊本亦作柳谷徐廣音義可證谷與穀通與莊子云臧與穀二人相與牧羊崔譔本穀作谷亦其證也

虞翻奏鄭解尚書違失事言古大象卯字讀當爲柳古柳卯同字而以爲昧案作昧谷者古文也鄭注古文尚書依賈逵所奏定爲昧谷爾雅曰西至日所入爲大蒙淮南子

皇清系角系
云日淪于蒙谷是謂定昏蒙谷卽昧谷日之將入有蒙昧之象也

申命和仲度西土曰柳谷

史記五帝紀申命和仲尻西土曰昧谷○集解曰徐廣云一無土字西者今天水之西縣也駟案鄭元曰西者隴西之西今人謂之兌山○索隱曰徐廣曰昧一作柳柳亦日入處地名

案据鄭君周禮注引書作分命與上文羲仲同申字疑傳寫之誤論衡云日出扶桑暮入細柳故曰柳谷也

尚書正義曰夏侯等書昧谷曰柳谷

案作昧谷者鄭注古文尚書所改讀之字也仲翔言古柳𠄎同字而以為昧又言古大篆𠄎字反以為昧此乃仲翔考之不審誤切𠄎字為𠄎耳古文尚書蓋本作𠄎谷𠄎𠄎二字形似易溷故裴松之注亦以為與日辰𠄎字字同音異也段玉裁云周禮娶柳注云故書柳作欝鄭司農讀為柳欝從木質聲質從貝𠄎聲而先鄭讀欝為柳此於疊韻求之也後鄭注尚書讀𠄎為昧此於雙聲求之也正與詩箋茅蒐鞅聲茅鞅雙聲一例若尚書古文是𠄎字則鄭豈不能比合今文柳穀為說虞不細考謂壁中與伏生合而妄譏鄭君非是

寅餞入日辯秩西成

尚書大傳寅餞入日辯秩西成傳曰天子以秋命三公將率

選士厲兵以征不義決獄訟斷刑罰趣收斂以順天道以佐
秋殺

案尚書釋文引馬云餞滅也滅猶沒也丁度集韻二十八
獮云淺滅也書夤淺納日馬融讀通作餞馬讀餞為淺蓋
据古文家說今文作餞字則有大傳確然可據也段玉裁
云古文尚書當作淺今文尚書當作踐尚書大傳餞字恐
後人用今本尚書改之五帝本紀曰敬道日入與上文寅
賓同訓倘經文作餞不得釋為道也說文曰踐履也蹈踐
也道與蹈音同春之敬道道與導同秋之敬道道與蹈同
謂蹈履日入之路也蓋今文尚書作踐故馬從之讀古文
尚書之淺為踐釋之曰滅也喬樾謂段云道與蹈同謂蹈

履日入之路訓義未晰以大傳餞字為後人所改此不然
也史記載此經於寅賓寅餞皆以敬道為訓詁道即導字
導猶引也兼有迎送二誼周語侯人為導注云謂賓至為
先導也此迎來而導之使至者也孟子曰有故而去則君
使人導之出疆此送往而導之使去者也寅賓者迎日所
出之意故曰敬道日出寅餞者送日所入之意故曰敬道
日入如是訓釋經文証實明順不煩辭費何必分別春言
敬道為導引之導秋言敬道為蹈履之蹈哉至謂古文尚
書作淺馬讀為踐亦恐不然据釋文云餞賤衍反馬云滅
也不言馬本作淺也集韻云淺滅也書夤淺納日馬融讀
据丁度語則是馬融讀餞為淺非讀淺為踐也踐與殘字

通踐之訓滅乃六書假借之義淺與沒義近淺之訓滅亦
六書轉注之意段必以爲古文作淺今文作踐未免勇於
自信矣

又曰西方者何也鮮方也鮮訊也訊者始入之貌始入者何
以謂之秋秋者愁也愁者萬物愁而入也○曰西方者秋也
○注云秋收斂貌

案愁字先大夫云當如禮記作擎字之誤也注秋字亦當
作擎爲正

便程西成夜中星虛以殷中秋民夷鳥獸毛毯

史記五帝紀敬道日入便程西成夜中星虛以正中秋其民
夷易鳥獸毛毯

案史記其民夷易滅氏琳云當是以易代夷轉寫誤兩存
之易平也以豉切又案說文毛部毯仲秋鳥獸毛盛可選
取以爲器用从毛先聲讀若選訓義與僞孔傳異攷僞傳
多與王肅注同三國魏志王肅傳言肅善賈馬之學而不
好鄭氏采會同異爲尙書注是肅所注多用古文家說然
則說文毯字之訓蓋采今文尙書說也

申命和叔度北方曰幽都便在伏物

史記五帝紀申命和叔尻北方曰幽都便在伏物○索隱曰
案山海經曰北海之內有山名幽都蓋是也使和叔察北方
藏伏之物謂人蓄積聚等冬皆藏伏尸子亦曰北方者伏方
也尙書作平在朔易今案大傳云便在伏物太史公據之而

書

尚書大傳北方者何也伏方也伏方也者萬物伏藏之方伏藏之方則何以謂之冬冬者中也中也者萬物方藏於中也故曰北方冬也陽盛則吁荼萬物而養之外也陰盛則呼吸萬物而藏之內也故曰吁荼也者陰陽之交接萬物之終始也○注云吁荼氣出而溫呼吸氣入而寒溫則生寒則殺也案大傳於朔易云朔始也於朔方朔字無訓是伏生尚書本作北方與史記所錄堯典文同也

淮南墜形訓西北方曰幽都之門○高誘注云幽闔都聚元冥將始用事順陰而聚故曰幽都之門

辯在朔易日短

尚書大傳辯在朔易日短朔始也傳曰天子以冬命三公謹蓋藏閉門閭固封境入山澤田獵以順天道以佐冬固藏也案此據太平御覽時序部所引作朔易與周禮馮相氏注引中冬辯在朔易賈疏以為據書傳而言文正相合又攷說文月部云朔月二日始蘇也與伏生訓朔為始亦合江聲據索隱所引大傳謂今大傳作朔易者乃後人所改伏生本實作伏物推之尚書亦作伏物大傳云北方伏方也萬物伏藏之方是伏物之誼也喬樞謂江說未允據太平御覽引伏生大傳辯在朔易明云朔始也則不得以辯在朔易為非伏生本尚書其又作便在伏物者當是伏生兼載異文如下文所傳傳曰天子命三公以冬謹蓋藏云云

亦兼採舊傳之例耳

星昴以正中冬厥民燠鳥獸氄毛

史記五帝紀曰短星昴以正中冬其民燠鳥獸氄毛○徐廣

曰氄音茸○集解曰駟案孔安國曰民入室處鳥獸皆生氄

毳細毛以自溫也

案尚書釋文引馬云奧煖也文選赭白馬賦李善注引鄭

元尚書注曰奧內也馬鄭訓各不同馬從今文家說故訓

為煖與史記其民燠誼合鄭君奧內之訓蓋用古文說

鳥獸毳毛

漢書鼂錯傳錯言曰夫胡貉之地積陰之處也木皮三寸冰

厚六尺食肉而飲酪其人密理鳥獸毳毛

案鼂錯親受尚書於伏生疑鳥獸毳毛即本堯典之訓

鳥獸裘毛

說文裘部斲字重文裘云或从朕虞書曰鳥獸裘毛

案說文毛部云毳毛盛也虞書曰鳥獸毳髦此古文也則

裘下引虞書當為今文矣鄭君注既夕記馬不齊髦云今

文髦為毛足證許所引裘毛亦据尚書今文也但未詳為

何家異字耳隸古定本尚書作氄毛與史記文同釋文引

馬融云氄溫柔貌段玉裁云隼聲在古音十三部喬聲在

古音十五部而喬可讀如述如詩傳適述是也述可讀如

允如仲允膳夫漢書作仲術是也故隼聲亦作喬聲釋文

氄如勇反徐而允反又如充反仙民而允一切是此字本

音其他如勇如充皆轉音也

帝曰咨女義暨和蕃三百有六旬有六日以閏月正四時成歲
允釐百工庶績咸熙

史記五帝紀歲三百六十六日以閏月正四時信飭百官眾
功皆興○索隱曰夫周天三百六十五度四分度之一是天
度數也而日行遲一歲一周天月行疾一月一周天日一日
行一度月一日行十三度十九分度之七至二十九日半彊
月行天一匝又逐及日而與會一年十二會是為十二月每
月二十九日過半年分出小月六是每歲餘六日又大歲三
百六十六日小歲三百六十五日舉全數云六十六日其實
一歲唯餘十一日若未滿三歲已成一月則置閏若三年不

置閏則正月為二月九年差二月則以春為夏十七年差六
月則四時皆反以此四時不正歲不成矣故傳曰歸餘於終
事則不悖是也

案說文禾部云稭復其時也从禾其聲虞書曰稭三百有
六旬此古文尙書也江聲云稭則禾一熟故字从禾與季
同意復其時者謂二十四氣復其始之時是也說文又云
百古文期从日丌隸古定本用今文作暮字史記多以訓
詁代經文信飭百官即允釐百王之訓徐廣音義曰飭古
勅字勅本音資與釐音相近眾功皆興即庶績咸熙之訓
庶眾績功咸皆熙興並見爾雅釋詁文

漢書律麻志書曰歲三百有六旬有六日以閏月定四時成

皇清經解續編
歲允釐百工眾功皆美

案此引書作定四時白虎通四時引尚書亦作定與史記述堯典文不同此歐陽與大小夏侯三家之異文也江聲云正字是也隸古定本尚書作定定古文正字開元本改作定誤矣

白虎通四時篇所以名爲歲何歲者遂也三百六十六日一周天萬物畢死故爲一歲也尚書曰晷三百有六旬有六日以閏月定四時成歲春夏秋冬時者期也陰陽消息之期也四時天異名何天尊各據其盛春秋物變盛冬夏氣變盛春日蒼天夏曰昊天秋曰旻天冬曰上天爾雅曰一說春爲昊天等是也

案許叔重五經異義稱尚書歐陽說春日昊天夏曰蒼天卽白虎通所載後一說是也白虎通多主大小夏侯說然則以春爲蒼天夏爲昊天者蓋夏侯氏之說也

何休公羊傳注曰昏斗指東方曰春指南方曰夏指西方曰秋指北方曰冬歲者總號其成功之稱尚書以閏月定四時成歲是也

蔡邕獨斷曰閏月者所以補小月之減日以正歲數故三年一閏五年再閏

後漢書朱浮傳浮上疏曰傳曰五歲再閏天道迺備夫以天地之靈猶五載以成其化況人道哉

又張衡傳衡上疏曰百揆允當庶績咸熙

庶績咸熹

揚雄劇秦美新曰百工伊凝庶績咸熹

案熹與熙古通見文選注引李登聲類作熹字蓋亦三家

尚書之異文今美新文熹字誤為喜非是段玉裁云賈魴

作滂熹篇言滂沱太盛或誤作滂喜匡謬正俗亦言熹誤

為喜字誤讀喜音然則揚雄文喜字熹之誤也又釋文熙

許其反興也玉裁按興也之上有脫文陸氏音義之例舉

馬鄭之異孔者附之音後偽孔訓廣興非孔義當有馬云

鄭云字蓋用今文家說與史記合熙亦訓美者釋詁云熙

光也美即光之意

帝曰疇咨若時登庸放齊曰嗣子朱啓明帝曰吁嚚庸可乎

史記五帝紀堯曰誰可順此事放齊曰嗣子丹朱開明堯曰

吁頑凶不用○正義曰言將登用之嗣位也帝王世紀云堯

娶散宜氏女皇生丹朱

案說文凶部云𠂔詞也从凶𠂔聲𠂔與疇同虞書帝曰𠂔

咨又糸部云絲純赤也虞書丹絲字如此此皆古文也庸

善字隸古定本尚書作訟釋文云馬本作庸按作庸則與上

文登庸相應言丹朱嚚如用之其可乎史記云吁凶頑不

相用是遷所据今文尚書亦作庸字故以用為訓誼也

三又案疇咨或作訓咨疑亦三家尚書之異文後漢書崔駰

傳崔篆作慰志賦曰思輔弼以媮存兮亦號咷以訓咨漢

劉寬碑開學稽古訓咨儒林訓咨二字蓋皆本於堯典錢

大昕云說文州疇也各疇其土而生之春秋晉侯州滿史
記作壽曼古書酬酢字亦作醕醋皆其通用之驗

三國魏志文帝令曰軒轅有明堂之議放勛有衢室之問皆
所以廣詢于下也

又蜀志譙周上疏曰聖人知命而不苟必也故堯舜以子不
善知天有授而求授人子雖不肖禍尚未萌而迎授與人況
禍以至乎

帝曰咨疇咨若予采謹兜曰都共工方鳩僝功

史記五帝紀堯又曰誰可者謹兜曰共工旁聚布功可用○

集解曰鄭元曰共工水官名

案史記上文云堯曰誰可順此事卽此疇咨若予采之訓

疇誰也若順也采事也竝見爾雅釋詁釋言謹兜隸古定

本作鳩毖郭忠恕汗簡云古文尙書兜作毖江聲以爲鳩

字不見說文則毖字可從鳩字不可從也喬樅攷說文疇

部云逮斂聚也从疇求聲虞書曰旁逮屨功此古文尙書

也人部云屨具也从人屨聲讀若汝南潯水虞書曰方鳩

僝功此所引書當爲今文尙書鄭君注士喪禮云今文旁

爲方是其證已鳩字或作救見徐鍇說文繫傳

又案段玉裁云凡古文尙書作方凡今文尙書作旁如方

施象刑白虎通作旁施方告無辜論衡作旁告皆可證士

喪禮注曰今文旁爲方竊謂儀禮則今文爲方古文爲旁

尙書則今文爲旁古文爲方廣雅釋詁曰方大也此古文

家說也又曰旁大也此今文家說也喬樞謂段說非是三
家今文闕亦存有古文如放勳作放勛協和作叶和容川
作濬川之類皆古文也必執一以概例之未免近於固矣
淮南本經訓堯舜之時共工振滔洪水以薄空桑龍門未開
呂梁未發江淮通流四海溟滓民皆上邱陵赴樹木舜乃使
禹疏三江五湖闢伊闕導廛澗平通溝陸流注東海鴻水漏
九州乾萬民皆甯其性是以稱堯舜以爲聖○注云振動也
滔薄也壅防百川滔高墜卑以害天下薄迫也空桑地名龍
門河之隘在左馮翊夏陽北禹所鑿也呂梁在彭城呂縣石
生水中禹決而通之民所由得度也故曰呂梁未發之時水
道不通江淮合流四海溟滓無涯畔也伊闕山名禹所開以

通伊水廛澗水名

後漢書張衡傳衡上疏曰尙書堯使鯀理洪水九載績用不
成鯀則殛死禹乃嗣興而春秋讖云共工理水

案張衡不信讖學故援尙書鯀理洪水之文以春秋讖爲
疑然据鄭君尙書注以共工爲水官名則堯典驩兜云共
工方鳩僝功當爲指理水言之謂其廣聚人徒而具功事
也國語周語言共工壅防百川墮高墜卑以害天下韋昭
注引賈侍中云共工諸侯炎帝之後姜姓也與高辛氏爭
王或曰共工堯時諸侯今證以淮南子所載共工振滔洪
水以薄空桑云云足見堯時共工實有理水之事惟其治
水不能疏流導滯務在壅防百川滔高墜卑而天下仍受

橫流之害故堯屏而不用而驩兜之徒乃復舉鯀使理洪水迨後鯀殛禹興其之從孫四嶽復佐禹治水有功胙四嶽國命爲侯伯賜姓曰姜氏曰有呂具見國語則是亦有幹蠱之人矣

帝曰吁靖言庸違象恭滔天

史記五帝紀堯曰其工善言其用僻似恭漫天不可

案史記述堯典文如此亦以訓詁代經文也

漢書王尊傳湖三老公乘興等上書曰靖言庸違象恭滔天靖言庸違放殛之刑也

後漢書楊賜傳曰驩兜其工更相薦說

中論考僞篇曰萬事錯雜變數滋生亂德之道固非一端而已此曰靜言庸違象恭滔天皆亂德之類也

靖言庸回

論衡恢國篇曰驩兜之行靖言庸回其工私之稱薦於堯

案此卽指堯典驩兜薦其工之事傳寫者錯誤耳當作其

工之行靖言庸回謹兜私之稱薦於堯於文始順左傳文

公十八年云靖譖庸回是謂其工卽此經之靖言庸違也

回違古書通用驩與謹亦相通蓋皆二家尙書之異文靖

隸古定本尙書作靜申論引亦作靜或亦三家之異文抑

後人依今本尙書改之未可知也攷韓詩鄭風有靖家室

章句云靖善也歐陽詢藝文類聚引作有靜家室靜善也

是靖靜古字通史記云其工善信是亦訓靖言爲善言僞

孔傳乃云靜謀也其義與今文家異毛詩大明篇厥德不回傳云回違也常武篇徐方不回箋云回猶違也山海經驩頭國亦作謹頭皆古書通用之驗

帝曰咨四嶽湯湯洪水方割蕩蕩懷山襄陵浩浩滔天下民其咨有能俾乂僉曰於鯀哉

史記五帝紀堯又曰嗟四嶽湯湯洪水滔天浩浩懷山襄陵下民其憂有能使治者皆曰鯀可

又夏本紀當帝堯之時鴻水滔天浩浩懷山襄陵下民其憂堯求能治水者羣臣四嶽皆曰鯀可

案說文山部云岳古文嶽則尚書今文皆作嶽字又辟部云雙治也从辟乂聲虞書曰有能俾雙此古文也据漢書

地理志引禹貢蒙羽其乂雲土夢作乂均爲乂字知此俾雙今文亦皆消借作乂也證以後漢書禰衡傳孔融薦衡表益信洪與鴻古書通用故洪範亦作鴻範皆三家尚書之異文也

諮四嶽

白虎通爵篇曰或稱天子或稱帝王何以爲接上稱天子明以爵事天也接下稱帝王者得號天下至尊言稱以號令臣下也故尚書曰帝曰諮四嶽

論衡感虛篇堯之時洪水滔天懷山襄陵帝堯吁嗟博求賢者

後漢書禰衡傳孔融薦衡曰臣聞洪水橫流帝思俾乂

帝曰吁咈哉放命圯族獄曰异哉試可乃已帝曰往欽哉九載績用不成

史記五帝紀堯曰鯀負命毀族不可獄曰异哉試不可用而已堯於是聽獄用鯀九歲功用不成○正義曰爾雅云載歲

也夏曰歲商曰祀周曰年唐虞曰載李巡曰各自紀事不相襲也孫炎曰歲取歲星行一次也祀取四時祭祀一訖也年

取年穀一熟也載取萬物終而復始也載者年之別名故以載為年也按功用不成水害不息故放退也

又夏本紀堯曰鯀為人負命毀族不可獄曰等之未有賢於鯀者願帝試之於是堯聽四獄用鯀治水九年而水不息功用不成

漢書傅喜傳傅太后詔曰放命圯族○應劭曰放棄教令毀其族類

又朱博傳龔勝等議曰今博晏放命圯族

案儒林傳林尊事歐陽高為博士授梁陳翁生翁生家世傳業授楚龔勝是勝習歐陽尚書也

又漢書敘傳注孟康曰尚書云方命圯族言鯀之惡壞其族類

案隸古定本尚書亦作方命正義引鄭注云方讀為放謂放棄教命與應劭解同釋文引馬云方放也徐云鄭王音

放皆從今文家說蓋古字方與放通偽孔傳讀方如字訓為方直其義非是

後漢書鄭興傳興上疏曰堯知鯀不可用而用之者屈己之明因人之心也

又郎顛傳顛條便宜四事曰昔堯遭九年之水人有十載之蓄者簡稅防災爲其方也

又楊震傳震上疏曰古者九年耕必有三年之儲故堯遭洪水人無菜色

案後漢書楊震父寶習歐陽尚書震少好學受歐陽尚書於桓郁子秉孫賜曾孫彪均傳家學固世習歐陽氏及桓君大小章句也

趙睦吳越春秋帝堯之時遭洪水滔滔天下沉漬九州闕塞四瀆壅閉帝乃憂中國之不康悼黎元之罹咎乃命四嶽乃舉賢良將任治水自中國至于條方莫薦人帝靡所任四嶽乃舉鯀而薦之於堯帝曰鯀負命毀族不可四嶽曰等之羣臣未有如鯀者堯用治水受命九載功不成帝怒曰朕知不能也乃更求之得舜使攝行天子之政巡狩觀鯀之治水無有形狀乃殛鯀於羽山鯀投于水化爲黃能因爲羽淵之神中論智行篇書美帝堯欽明爲先驩兜之舉共工四嶽之薦鯀堯知其行眾尙未之信也若非堯則四裔多凶族兆民長愁苦矣明哲之功也如是

又審大臣篇苟以眾譽爲賢能則伯鯀無羽山之難而唐虞無九載之費矣

三國魏志三少帝紀高貴鄉公幸太學講尙書次及四嶽舉

鯀帝問曰夫大人者與天地合其德與日月合其明思無不周明無不照今王肅云堯意不能明鯀是以試用聖人之明有所未盡邪峻對曰雖聖人之宏猶有所未盡故禹曰知人則哲惟帝難之然卒能改授聖賢緝熙庶績亦所以成聖也帝曰夫有始有卒其惟聖人若不能始何以爲聖其言惟帝難之然卒能改授蓋謂知人聖人所難非不盡之言也經云知人則哲能官人若堯疑鯀試之九年官人失敘何得謂之聖哲峻對曰臣竊觀經傳聖人行事不能無失是以堯失之四凶周公失之二叔仲尼失之宰子帝曰堯之任鯀九載無成汨陳五行民用昏墊至於仲尼失之宰子言之閒輕重不同也至於周公管蔡之事亦尚書所載皆博士所當通也峻對曰此皆先賢所疑非臣寡見所能究論

又高堂隆傳隆曰昔在伊唐世值陽九厄運之會洪水滔天使鯀治之績用不成

案江聲云尚書正義引馬融曰堯以大聖知時運當然人力所不能治下民其咨亦思憂勞謹己之是從人之非遂用於鯀時運當然者謂无妄之氣也王充論衡寒溫篇云易无妄之應水旱之至自有期節劉逵吳都賦注引易无妄曰災氣有九陽厄五陰厄四合爲九一元之中四千六百一十七歲各以數至漢書律曆志云易九厄曰初入元百六陽九次三百七十四陰九次四百八十陽九次七百二十陰七次七百二十陽七次六百陰五次六百陽五次

四百八十陰三次四百八十陽三凡四千六百一十七歲
與一元終經歲四千五百六十災歲五十七案易九厄者
孟康以爲易傳蓋卽易无妄也陽九謂旱九年陰九謂水
九年其七五三亦皆以水旱年數也計一元四千五百六
十歲加災歲五十七凡四千六百一十七歲堯時鴻水是
陰九之厄故云時運當然人力所不能治云詘己之是因
人之非者卽後漢書鄭興傳興疏所云堯知鯀之不可用
而用之者詘己之明因人之心也則馬說固有所本矣又
正義引李昉注云堯雖獨明于上眾多不達于下故不得
不副倒懸之望以供一切之求耳此說亦同馬誼喬樅謂
据禮記祭法云鯀障洪水而殛死禹能修鯀之功史記夏

本紀云於是舜舉鯀子禹而使續鯀之績吳越春秋云舜
與四嶽舉鯀之子高密四嶽謂禹曰舜以治水無功舉爾
嗣考之績禹曰俞小子敢悉考績以統天意惟委任而已
觀其曰修曰續曰嗣皆承鯀而言之則鯀之治水非全無
益但不能成功耳鄭興及馬融之言夫固有所受之也興
雖長於古學然當西漢之時古文師說多本之今文故孔
氏壁中書增多之十六篇以今文所無遂亦絕無師說然
則興之此言必與今文家說大指相同從可知也東漢經
師治古文尚書者皆先通今文如賈逵爲古文尚書作訓
而逵本傳言其以大夏侯尚書教授又尹敏少爲諸生習
歐陽尚書後受古文丁鴻從桓榮受歐陽尚書而楊倫傳

言倫師事丁鴻習古文尙書劉陶明尙書爲之訓詁推三家尙書及古文是正文字三百餘事名曰中古文皆見於後漢書章章可考者也融與兄續俱馬嚴之子續明尙書非治古文者故融爲古文尙書作傳亦兼用今文家說蔡邕獨斷曰三代年歲之別名唐虞曰載載歲也言一歲莫不覆載故曰載也夏曰歲一曰稔也商曰祀周曰季案說文禾部季字稔字粒訓穀熟也左傳襄二十七年云鮮不五稔杜注曰稔季也熟也穀一熟爲一季是歲之曰稔亦與季同意也

帝曰咨四嶽朕在位七十載汝能庸命異朕位嶽曰鄙德忝帝位曰明明揚側陋

史記五帝紀堯曰嗟四嶽朕在位七十載汝能庸命踐朕位嶽應曰鄙德忝帝位堯曰悉舉貴戚及疏遠隱匿者

案隸古定本尙書作否德否鄙古字通用論語予所否者論衡問孔篇引作所鄙者江聲云依字當作曷曷者曷陋加邑傍則爲都鄙今則廢曷字通作鄙矣

漢書百官公卿表敘曰咨四岳以舉賢材揚側陋

蔡邕獨斷曰朕我也堯曰朕在位七十載

明明揚仄陋

後漢書劉毅傳毅上書曰顯揚仄陋

又邊讓傳讓章華賦曰舉英奇於仄陋

師錫帝曰有矜在下曰虞舜帝曰俞予聞如何

史記五帝紀眾皆言於堯曰有矜在民間曰虞舜堯曰然朕聞之其何如

有鰥在下曰虞舜

尚書大傳曰男三十而娶女二十而嫁書有鰥在下曰虞舜孔子曰舜父頑母嚚不見室家之端故謂之鰥

案矜鰥古多通用如詩小雅何人不矜韓詩作鰥是也

又曰昔舜耕于歷山漁于雷澤之中陶于河濱販于頓邱就時負夏

又略說曰舜者准也循也言其准道德以循堯緒也

論衡定賢篇聖人難知賢人比於聖人爲易知世人且不能知賢安能知聖乎知之如何以朝廷選舉皆歸善爲賢乎則夫著見而人所知者舉多幽隱而人所不識者薦少虞舜是也堯求則咨於鯀其工則獄已不得由此言之選舉多少未可以知實或德高而舉之少或才下而薦之多明君求善察惡於多少之間時得善惡之實矣

潛夫論潛歎篇虞舜之大聖也德音發聞堯爲天子求索賢人訪於羣后羣后不肯薦舜而反稱其鯀之徒賴堯之聖後乃舉舜而放四子夫以古聖之質也堯聰之明也舜德之彰也君明不可欺德彰不可蔽也故堯參鄉黨以得舜

風俗通皇霸篇舜以白衣砥行顯名升爲天子雖復更制不知名著故因名焉經曰有鰥在下曰虞舜

又山澤篇墟謹案尚書舜生姚墟姚墟在濟陰城陽縣

三國魏志文帝紀漢獻帝禪位冊曰師錫朕命

又三少帝紀高貴鄉公幸太學講尚書堯典次及有鰥在下

曰虞舜帝問曰當堯之時洪水為害四凶在朝宜速登進賢

聖濟斯民之時也舜年在既立聖德光明而久不進用何也

庾峻對曰堯咨嗟求賢欲遜已位嶽曰否德忝帝位堯復使

嶽揚舉仄陋然後薦舜舜薦舜之本實由於堯此蓋聖人欲盡

眾心也帝曰堯既聞舜而不登用又時忠臣亦不進達乃使

嶽揚仄陋而後薦舜非急於用聖恤民之謂也峻對曰非臣

愚見所能逮及

史記五帝紀舜冀州之人也耕歷山漁雷澤陶河濱作什器

於壽邱就時於負夏○集解鄭元曰歷山在河東雷夏兗州

澤今屬濟陰負夏衛地皇甫謐曰濟陰定陶而南陶邱亭是

也壽邱在魯東門之北

又曰舜耕歷山歷山之人皆讓畔漁雷澤雷澤上人皆讓居

陶河濱河濱器皆不苦窳一年而所居成聚二年成邑三年

成都

淮南原道訓昔舜耕于歷山暮年而田者爭處境垆以封壤

肥饒相讓釣於河濱暮年而漁者爭處湍瀨以曲隈深潭相

予當此之時口不設言手不指麾執元德於心而化馳若神

使舜無其志雖口辯而戶說之不能化一人夫能理三苗朝

羽民徙裸國納肅慎未發號施令而移風易俗其惟心行者

乎法度刑罰何足以致之也

說苑雜言篇曰有其才不遇其時雖才不用苟遇其時何難之有故舜耕歷山而陶於河畔立爲天子則其遇堯也

又反質篇曰歷山之田者善侵畔而舜耕焉雷澤之漁者善爭陂而舜漁焉東夷之陶器窳而舜陶焉故耕漁與陶非舜之事而舜爲之以救敗也

獄曰瞽子父頑母嚚象傲克諧以孝烝烝乂不假姦

史記五帝紀獄曰盲者子父頑母嚚弟傲能和以孝烝烝治不至姦

案隸古定本尙書作烝烝乂不格姦惠棟曰楊孟文石門頌云烝烝艾是本諸尙書然則古文尙書作艾也又乃今文耳喬樞又攷說文女部云愚古文姦从心旱聲則古文

尙書當作愚爲正其假字作格皆唐衛包奉敕所改也

又曰舜父瞽叟盲而舜母死瞽叟更娶妻而生象象傲瞽叟愛後妻子常欲殺舜舜避逃及有小過則受罪順事父及後母與弟日以篤謹匪有懈

又曰舜順適不失子道兄弟孝慈欲殺不可得卽求常在側劉向新序雜事一昔者舜自耕稼陶漁而躬孝友父瞽叟頑母嚚及弟象傲皆下愚不移舜盡孝道以供養瞽叟瞽叟與象爲浚井塗廩之謀欲以殺舜舜孝益篤出田則號泣年五十猶嬰兒慕可謂至孝矣故耕於歷山歷山之耕者讓畔陶於河濱河濱之陶者器不苦窳漁於雷澤雷澤之漁者分均及立爲天子天下化之蠻夷率服北發渠搜南撫交趾莫不

慕義麟鳳在郊孔子曰孝弟之至通於神明舜之謂也

漢書武五子傳壺關三老茂上書曰昔者虞舜孝之至而不中於瞽叟

又鄒陽傳陽上書曰昔者舜之弟象日以殺舜爲事及舜立爲天子封之於有卑夫仁人之於兄弟無藏怒無宿怨厚親愛而已是以後世稱之

又宣帝紀元康三年詔曰蓋聞象有罪舜封之骨肉之親析而不殊○應劭曰象者舜弟也日以殺舜爲事舜爲天子猶封之於有鼻之國

案此詔又見昌邑王賀傳

後漢書隗囂傳囂上疏曰昔虞舜事父大杖則走小杖則受

又第五種傳臧昊上書曰昔虞舜事親大杖則走

又崔實傳崔鈞曰舜之事父小杖則受大杖則走非不孝也又袁紹傳劉表以書諫譚曰象傲終受有鼻之封

又章帝紀永平十八年詔曰至孝烝烝

又宋意傳意上疏曰至孝烝烝

案顯宗從桓榮受尚書則所習歐陽今文也宋意本傳言意父京以大夏侯尚書教授意少傳父業則意所稱是大夏侯今文也

又謝弼傳弼上封事曰仰慕有虞烝烝之化

論衡恢國篇舜之烝烝

三國魏志樂陵王茂傳太和元年詔曰昔象之爲虐至甚而

大舜猶侯之有鼻

帝曰我其試哉

史記五帝紀堯曰吾其試哉

案尚書正義云馬鄭王說此經皆無帝曰當時庸生之徒漏之也今據史記以訓詁代經文有堯曰二字則知今文尚書此經實有帝曰也

後漢書章帝紀永平五年詔引建武詔書曰堯試臣以職不直以言語筆札

女子時觀厥型于二女

史記五帝紀於是堯妻之二女觀其德於二女○正義曰二女娥皇女英也娥皇無子女英生商均視其爲德行於二女

以理家而觀國也

釐降二女於媯汭嬪于虞

史記五帝紀舜飭下二女於媯汭如婦禮○正義曰舜能整齊二女以義理下二女之心於媯汭使行婦道於虞氏也

又曰堯於是乃以二女妻舜以觀其內使九男與處以觀其外

又曰舜居媯汭內行彌謹堯二女不敢以貴驕事舜親戚甚有婦道堯九男皆益篤○正義曰括地志云媯源汭水出蒲州河東南山按地記云河東郡青山東山中有二泉下南流者爲媯水北流者爲汭水二水異源合流出谷西注河

漢書谷永傳永對曰夫妻之際王事綱紀安危之機聖王所

致慎也昔舜飭正二女以崇至德未有閨門治而天下亂者也

後漢書荀爽傳爽對策曰堯典曰釐降二女於媯汭嬪于虞降者下也嬪者婦也言雖帝堯之女下嫁於虞猶屈體降下勤修婦道

又荀悅傳悅申鑒曰釐降二女陶唐之典

三國志注引獻帝禪魏王冊詔曰釐降二女以嬪于魏

又魏志后妃傳敘曰二妃嬪媯虞道克隆

帝曰欽哉慎徽五典五典克從納于百揆百揆時序賓于四門四門穆穆

史記五帝紀堯善之乃使舜慎和五典五典能從乃徧入百

官百官時序賓于四門四門穆穆諸侯遠方賓客皆敬

案江聲云帝曰欽哉此是飭舜之詞將試舜而飭使敬其職也僞孔氏分此以上為堯典以慎徽五典以下為舜典

姚方興又增益曰若稽古云云亂經蔑典皆尚書之臯人

也

淮南齊俗訓堯之治天下也舜為司徒契為司馬禹為司空后稷為大田師奚仲為工其導萬民也水處者漁山處者木谷處者牧陸處者農地宜其事事宜其械械宜其用用宜其人澤阜織網陵阪耕田得以所有易所無以所王易所拙是故離叛者寡而聽從者眾也

說苑君道篇當堯之時舜為司徒契為司馬禹為司空后稷

爲田疇夔爲樂正倕爲工師伯夷爲秩宗臯陶爲大理益掌
毆禽堯體力便巧不能爲一焉堯爲君而九子爲臣其故何
也堯知九職之事使九子者各受其事皆勝其任以成九功
堯遂成厥功以王天下是故知人者王道也知事者臣道也
王道知人臣道知事毋亂舊法而天下治矣香齋山齋書本
案史記集解引鄭君注曰五典五教也蓋試以司徒之職
其說與淮南子及說死合

論衡恢國篇舜以司徒因堯授禪

三國志注引獻帝傳載魏明帝贈冊曰昔帝堯元愷旣舉四
凶未流登舜百揆然後百揆時序內外平成授位明堂退終
天祿故能德冠百王功高嵩嶽

續漢書百官志劉昭注引譙周古史攷曰舜居百揆總領百
事說者以百揆堯初別置於周更名冢宰斯其然矣
又引荀綽晉百官表注載漢明帝詔曰謁者乃堯之尊官所
以試舜賓于四門四門穆穆者也

案尚書正義引鄭注云賓讀爲僎舜爲上僎以迎諸侯據
鄭說與史記所言諸侯遠方賓客皆敬訓義亦合攷明帝
習歐陽尚書者詔所云云蓋用歐陽氏說也

後漢書禰衡傳孔融薦衡疏曰增四門之穆穆
納於大麓烈風雷雨不迷

太平御覽皇親部引尚書大傳曰堯爲天子丹朱爲太子舜
爲左右堯知丹朱之不肖必將壞其宗廟滅其社稷而天下

同賊之故堯推尊舜而尚之屬諸侯焉致天下於大麓之野
○注云肖似也堯受運衡知天命之所在而授又深知朱之
不似不欲命於天誅如桀紂也

又珍寶部引尚書大傳曰堯致舜天下贈以昭華之玉

案吳淑事類賦九引尚書大傳同

徐堅初學記帝王部引尚書大傳曰舜耕于歷山堯妻之以
二女屬其九子也贈以昭華之玉

案文選李善注引大傳云堯得舜推而尊之贈以昭華之

玉

路史發揮引大傳曰堯推尊舜屬諸侯焉致天下於大麓之
野○鄭注云山足曰麓麓者錄也古者天子命大事命諸侯
則爲壇國之外堯聚諸侯命舜陟位居攝致天下之事使大
錄之

淮南脩務訓堯治天下政教平德潤洽在位七十載乃求所
屬天下之統令四岳揚側陋四岳舉舜而薦之堯堯乃妻以
二女以觀其內任以百官以觀其外既入大麓烈風雷雨不
迷乃屬以九子贈以昭華之玉而傳天下焉以爲雖有法度
而朱弗能統也

又本經訓堯身服節儉之行而明相愛之仁以和輯之是故
茅茨不剪采椽不斲大路不畫越席不緣大羹不和棗食不
穀巡狩行教勤勞天下周流五嶽豈其奉養不足樂哉舉天
下而以爲社稷非有利焉年衰志憫舉天下而傳之舜猶卻

行而脫屣也

說苑至公篇書曰不偏不黨王道蕩蕩言至公也古有行大
公者帝堯是也貴為天子富有四海得舜而傳之不公於其
子孫也去天下猶然況其細於天下者乎非帝堯其孰能行
之

史記五帝紀堯使舜入山林川澤暴風雷雨舜行不迷堯以
為聖

又曰舜入於大麓烈風雷雨不迷堯乃知舜之足授天下
又曰堯乃賜舜絺衣與琴為築倉廩予牛羊瞽叟尚復欲殺
之使舜上塗廩瞽叟從下縱火焚廩舜乃以兩笠自扞而下
去得不死後瞽叟又使舜穿井舜穿井為匿空旁出舜既

深瞽叟與象共下土實井舜從匿空出去瞽叟象喜以舜為
已死象曰本謀者象象與其父母分於是曰舜妻堯二女與
琴象取之牛羊倉廩為父母象乃止舜宮居鼓其琴舜往見
之象鄂不懌曰我思舜正鬱陶舜曰然爾其庶矣舜復事瞽
叟愛弟彌謹於是堯乃試舜五典百官皆治○索隱曰言以
笠自扞已身有似鳥張翅而輕下得不損傷列女傳云二女
教舜鳥工上廩是也空音孔列女傳所謂龍工入井是也○
正義曰通史云瞽叟使舜滌廩舜告堯二女女曰時其焚汝
鵲汝衣裳鳥工往舜既登廩得免去也舜穿井又告二女二
女曰去汝衣裳龍工往入井瞽叟與象下土實井舜從他井
出去也括地志云舜井在媯州懷戎縣西外城中又有一井

者舊傳云並舜井也舜自中出

論衡吉驗篇舜未逢堯繆在側陋瞽叟與象謀欲殺之使之完廩火燔其下令之浚井土掩其上舜得下廩不被火災穿井旁出不觸土害故堯聞微用試之於職官治職修事無廢亂使入大麓之野虎狼不搏蝮蛇不噬逢烈風疾雨行不迷惑夫人欲殺之不能害之毒螫之野禽蟲不能傷卒受天命踐天子祚

案論衡吉驗篇之言與史記五帝紀合此蓋亦歐陽尚書說也惟塗廩浚井論衡以爲在未逢堯時爲有小異耳攷論衡書解篇於書家獨舉歐陽公孫是其治歐陽尚書之明證太史公時尚書獨有歐陽博士知史記所據尚書是

歐陽氏學故充述書家說與史記所載同也又攷孟子萬章篇云父母使舜完廩捐階瞽叟焚廩使浚井出從而揜之象曰謨蓋都君咸我績牛羊父母倉廩父母干戈朕琴朕張朕二嫂使治朕棲象往入舜宮舜在牀琴象曰鬱陶思君爾惓惓舜曰惟茲臣庶汝其予治趙岐注云完治廩倉階梯也使舜登廩屋而捐去其階焚燒其廩也一說捐階舜卽旋從階下瞽叟不知其已下故焚廩也使舜浚井舜入而卽出瞽叟不知其已出從而蓋揜其井以爲舜死矣象異母弟也謨謀蓋覆也都於也君舜也舜有牛羊倉廩之奉故謂之君咸皆績功也象言謀覆於君而殺之者皆我之功欲與父母分舜之有取其善者故引爲己之

功也欲以牛羊倉廩與其父母干楯戈戟也琴舜所彈五絃琴張彫弓也天子曰彫弓堯禪舜天下故賜之彫弓也棲牀也二嫂娥皇女英使治牀欲以爲妻也象見舜生在牀鼓琴愕然反辭曰我鬱陶思君故來爾辭也忸怩而慙是其情也茲此也象素憎舜不至其宮也故舜見來而喜曰惟念此臣眾汝故助我治事與史記所言正同亦惟史記以爲象乃止舜宮居鼓其琴舜往見之爲有小異耳趙岐於前章帝使其子九男二女百官牛羊倉廩備以事舜於畎畝之中注云帝堯也堯使九子事舜以爲師以二女妻舜百官致牛羊倉廩致粟米之餼備具饋禮以奉事舜於畎畝之中由是遂賜舜以倉廩牛羊使得自有之堯典

曰釐降二女不見九男孟子時尙書凡百二十篇逸書有舜典之敘亡失其文孟子諸所言舜事皆堯典及逸書所載然則據邠卿言可知史記及論衡所述亦皆在逸書舜典篇中也太史公嘗從孔安國問古文尙書故得有古文說其歐陽大小夏侯三家皆伏生所傳今文而亦有古文說者伏生爲秦時博士在未焚書以前尙書百二十篇皆伏生所肄業者特其後求所藏壁中書僅存二十九篇耳生既年老不復記其全帙然其殘章剩句時見於大傳中皆與古文有合者又兒寬事歐陽生受尙書又從孔安國受業以授歐陽生之子夏侯勝從始昌受尙書又事兒寬門人簡卿又從歐陽氏問以傳夏侯建故三家尙書章句

時有逸書所載者具採入其中也此浚井一節以當時情
事言之舜既從匿空出去自應先反其宮象於揜井後方
與父母議所分然後往豈能先止舜宮居而鼓其琴太史
公所述在尙書殘闕之餘不如孟子所見完書爲得其實
矣
又知實篇曰聖人不能神而先知虞舜大聖瞽叟與象使舜
治廩浚井意欲殺舜當見殺己之情早諫豫止既無如何宜
避不行若病不爲何故使弟與父得成殺己之惡以虞舜不
豫見聖人不能先知也
後漢書寇榮傳榮上疏曰孝子殞命以寧親怨故大舜不避
塗廩浚井之難

水經濁漳水篇酈道元注引尙書曰堯將禪舜納之大麓之
野烈風雷雨不迷致之以昭華之玉

案此所引亦尙書說非經文也據淮南子說堯典亦云贈
以昭華之玉又初學記及李善文選注引大傳均有堯贈
舜以昭華之玉語是今文家說如此水經注或引尙書中
候文也

漢書王莽傳莽下書曰予前在大麓至於攝假

又張竦草奏莽曰秉冢宰職填安國家四海輻湊靡不得所
書曰納于大麓烈風雷雨不迷公之謂矣

續漢書百官志劉昭注引新論曰昔堯試於大麓者領錄尙
書事如今尙書官矣

後漢書和熹鄧后紀劉毅上書曰總覽大麓經營天物

又竇憲傳班固燕然山銘納于大麓

又劉愷傳陳忠上疏薦愷曰臣聞三公上則台階下象山岳

股肱元首鼎足居職協和陰陽調和五品考功量才以序庶

僚遭烈風不迷遇迅雨不惑位莫重焉

風俗通山澤篇麓謹案尚書堯禪舜納于大麓麓林屬於山

者也

三國志文帝紀注引魏王上書曰天下神器禪代重事故堯

將禪舜納于大麓舜之命禹元圭告功烈風不迷九州攸平

詢事考言然後乃命○又曰舜有賓于四門之勳乃受禪於

陶唐禹有存國七百之功乃承祿于有虞

論衡正說篇堯老求禪四嶽舉舜堯曰我其試哉說尚書曰

試者用也我其用之為天子也又曰女于時觀厥型于二女

觀者觀爾虞舜於天下不謂堯自觀之也若此者高大堯舜

以為聖人相見不須觀試精耀相照曠然相信又曰賓于四

門四門穆穆入于大麓烈風雷雨不迷言大麓三公之位也

居一公之位大總錄二公之事眾多並告若疾風大雨夫聖

人才高未必相知也聖成事舜難知佞使臯陶陳知人之法

佞難知聖亦難別堯之才猶舜之知也舜知佞堯知聖堯聞

舜賢四嶽舉之心知其奇而未必知其能故言我其試哉試

之於職妻以二女觀其夫婦之法職治修而不廢夫道正而

不僻復令入大麓之野而觀其聖逢烈風疾雨終不迷惑堯

乃知其聖授以天下夫文言觀試觀試其才也說家以為譬喻增飾使事失正是皆失實之說也

案論衡所駁尚書說疑指大小夏侯之學何以明之漢書于定國傳上報定國曰萬方之事大錄于君攷儒林傳周堪與孔霸俱事大夏侯勝霸為博士堪譯官令論於石渠經為最高後為太子少傅而孔霸以大中大夫授太子及元帝即位堪為光祿大夫霸以帝師賜爵號褒成君據元帝報定國書有萬方之事大錄於君語是用大夏侯說可知時定國為丞相凡三公丞相皆可云大錄不必居攝也又據桓譚新論言試於大麓為領錄尚書事則亦守小夏侯之說者何以驗之新論稱秦延君能說堯典延君固從

張山拊受小夏侯尚書者也或曰麓古文从彖作𡗗𡗗錄皆从彖聲同聲者多同義訓詁多通於聲疑以大麓為大錄是古文家說喬樅謂此不然也論衡感類篇說金滕風雷之變古文今文解各不同仲任則明稱古文家以別之今正說篇但言說尚書者是乃博士之說亦今文家言也仲任守歐陽氏師說故駁大小夏侯大錄之解而不從其義耳

又案大麓之解歐陽夏侯說各不同尚書釋文言馬鄭注尚書皆云麓山足也古文尚書注馬鄭義雖缺佚不完然皆不為大錄萬機之解知古尚書與歐陽說同据鄭注書序於舜典云入麓伐木此語當必在舜典逸篇中也漢書

王莽傳張竦稱莽功德引書納于大麓烈風雷雨不迷又莽自言予前在大麓至于攝假及班孟堅封燕然山銘納于大麓維清緝熙皆當爲大小夏侯尙書說魏公卿上尊號奏曰循唐典之明憲遵大麓之遺訓遂於繁昌築靈壇皇帝乃受天子之籍與鄭大傳注說合又魏受禪表曰義莫顯于禪德美莫盛於受終故書陳納于大麓傳稱麻數在躬皆以大麓及受終爲居攝卽眞事亦皆用大小夏侯說王肅注古文尙書云麓錄也肅好與鄭立異故不從鄭君書注入山伐木之說而訓爲大錄也

帝曰假汝舜詢事考言乃言底可績三載汝陟帝位舜讓于德不怡

史記五帝紀堯召舜曰女謀事至而言可績三年矣女登帝位舜讓于德不懌○徐廣曰今文尙書作不怡怡懌也舜讓于德不台

史記自敘曰唐堯遜位虞舜不台○索隱曰台音怡悅也

案史記自敘又曰惠之早實諸呂不台徐廣音義曰怡懌也不爲百姓所說又漢書司馬遷傳遷報任少卿書曰王上爲之食不甘味聽朝不怡皆用今文尙書堯典字台卽怡之省文史遷台怡通用段玉裁云禹貢祇台德先鄭注訓祇台爲敬悅然則台悅古訓也太史公以故訓之字更

之作不懌索隱曰懌一作澤懌字說文無之澤卽今懌字徐廣在晉末宋初其時今文久亡而不台謚哉祖飢猶能

數典者或其書僅存或雖亡而佚見於他說且蔡邕所勒石經文固未亡也台古文尙書作嗣此文字異者七百有餘之一也魏晉時古文尙書寢盛今文尙書漸亡隸釋載魏公卿上尊號云讓德不嗣裴松之三國志注引甲子魏王上書亦云猶執謙讓于德不嗣皆据古文尙書也台聲司聲古音同在弟一之哈部是以公羊治兵作祠兵韓詩嗣音作詒音今文秦誓俾君子易嗣作俾君子怠與此嗣作台正同此駁異之因乎音韻者也

後漢書班固傳固典引曰有于德不台淵穆之攘○章懷注引前書曰舜攘于德不台音義曰台讀曰嗣

案文選典引篇李善注引尙書曰舜攘于德不台漢書音

義韋昭曰古文台爲嗣然則章懷注所云前書音義台讀曰嗣卽韋昭之說也攷漢書王莽傳張竦草奏稱書曰舜讓于德不嗣此嗣字乃後人所改漢書原文實作不台證以後漢書注引前書曰舜攘于德不台音義曰台讀曰嗣如原文作嗣則音義何煩改讀乎又證以文選注引漢書音義韋昭曰古文台爲嗣如原文作嗣則韋昭當直引古文尙書曰舜攘于德不嗣否或列古今文之異同曰今文嗣爲台不當引古文台爲嗣又於音義言台讀曰嗣也或以爲張竦好古文章奏所稱是古文尙書此殆不然前漢時古文藏在中秘世所不習竦奏欲以宣示朝野豈有引世所不習之書而以曉人耶況竦草奏中引堯典納于大

麓爲秉冢宰職用今尙書大小夏侯解詁又確有明徵知其据今文尙書斷然無復可疑也江聲則謂古尙書亦實作不台其作弗嗣者乃僞孔氏之亂經抑又過矣喬樅按古文台爲嗣顯有漢書音義韋昭說可據其作台作怡者皆三家之今文也

尸月上日受終于文祖

尙書大傳曰上日元日受謂舜也

案鄭君尙書注云帝王易代莫不改正建朔堯正建丑舜正建子此時未改堯正故云正月上日卽位乃改堯正故云月正元日此亦今文家說也白虎通三正篇云王者受命必改朔何明易姓示不相襲也明受之於天不受之於人是以舜禹雖繼太平猶宜改以應天是可證今文尙書說舜禹受命皆改正朔矣

史記五帝紀正月上日受終于文祖文祖者堯大祖也○集解曰鄭元云文祖五府之大名猶周之明堂○正義曰舜受堯終帝之事於文祖也尙書帝命驗云帝者承天立五府以尊天重象也五府者五帝之庶蒼曰靈府赤曰文祖黃曰神

斗白曰顯紀黑曰元矩鄭注云唐虞謂之五府夏謂之世室殷謂之重屋周謂之明堂皆祀五帝之所也文祖者赤帝燔怒之府名曰文祖火精光明文章之祖故謂之文祖周曰明堂神斗者黃帝含樞紐之府名曰神斗斗至也土精激靜四行之主故謂之神主周曰太室顯紀者白帝招拒之府名曰

顯紀紀法也金精斷割萬物故謂之顯紀周曰總章元桀者
黑帝叶光紀之府名曰元桀桀法也水精元味能權輕重故
謂之元桀周曰元堂靈府者蒼帝靈威仰之府名曰靈府周
曰青陽

案鄭君尙書注以文祖爲五府之大名猶周之明堂江聲
云帝堯火德赤帝之所感生故以文祖爲五府之大名受
終于文祖告感生之帝卽告天也喬樞謂鄭以唐虞五府
猶周之明堂禮記明堂位曰太廟天子明堂左傳文公二
年正義云左氏舊說及賈逵盧植蔡邕服虔等皆以祖廟
與明堂爲一是漢儒經師說皆如此故史記以文祖爲堯
太祖也

漢書律歷志虞帝帝系曰顓頊生窮蟬五世而至瞽叟瞽叟
生帝舜處虞之滄泅堯嬪以天下火生土故爲土德天下號
曰有虞氏

大戴禮五帝德篇宰我曰請問帝舜孔子曰螭牛之孫瞽叟
之子也曰重華好學孝友聞於四海陶漁事糴寬裕溫良敦
敏而知時畏天而愛民恤遠而親近承受大命依於倪皇叡
明通知爲天下主

潛夫論五德志篇握登見大虹意感生重華舜虞其目重瞳
事堯堯乃禪位曰格爾舜天之厯數在爾躬允執其中四海
困窮天祿永終乃受終于文祖也號有虞作樂九韶禪位於
禹

論衡譴告篇受終于文祖不言受終于天堯之心知天之意也堯授之天亦授之百官臣子皆鄉與舜舜之授禹禹之傳啟皆以人心效天意

論衡自紀篇舜耕歷山若終不免及受堯禪若卒自得

中論爵祿篇舜爲匹夫猶民也及其受終于文祖稱曰予一人則西王母來獻白環

三國魏志文帝紀引博士蘇林董巴上表曰舜以土德承堯之火堯捐骨肉而禪有虞終無恚色舜發眊畝而君天下若固有之

又引桓階等奏曰舜受大麓桑蔭未移而已陟帝位所以祇承天命若此之速也

又引華歆虞詡王朗及九卿奏曰天命有去就然後帝者有禪代是以唐之禪虞命在爾躬虞之順唐謂之受終堯知天命去已故不得不禪舜知厥數在躬故不敢不受不得不禪奉天時也不敢不受畏天命也

又引獻帝冊詔曰昔堯以配天之德秉六合之重猶覩歷運之數移于有虞委讓帝位忽如遺跡

又引獻帝傳載魏明帝詔曰蓋五帝之事尙矣仲尼盛稱堯舜巍巍蕩蕩之功者以爲禪代乃大聖之懿事也

三國蜀志許靖傳注引魏略王朗與靖書曰過聞受終於文祖之言於尙書又過聞厥數在躬允執其中之言於論語

案魏志王朗傳言朗以通經拜郎中師太尉楊賜攷賜通

皇清經解續編
今文尚書經說攷一上
三
尚書桓君章句宿有重名楊氏世傳歐陽尚書則朗師
亦習歐陽之學矣

在旋機玉衡以齊七政

尚書大傳曰齊中也七政者謂春夏秋冬夏天文地理人道所
以爲政也道正而萬事順成故天道政之大也旋機者何也
傳曰旋者還也機者幾也微也其變幾微而所動者大謂之
旋機是故旋機謂之北極

案惠棟曰京房易略例云故處旋機以觀大運周公禮殿
記云旋機離常孟郁修堯席碑云據旋機之政皆與伏生
大傳合段玉裁曰尚書釋文璿音旋並無璿音機之文而
禹貢璿字則詳釋之可知陸德明本作機故不爲音唐石

經以下皆作璿此因上文璿從玉旁而誤也又爾雅釋故

郭注書曰在璿璿玉衡釋文云璿音旋又作璇璿字無音

知陸本亦作機也文選顏延年宋皇后哀策曰仰陟天璿

李善注云天璿喻帝位也尚書攷靈耀曰璿璿玉衡尚書

爲此璿曹植秋胡行曰歌以示言大魏承天璿然璿與機

同也按此正當云尚書爲此機以別於考靈耀之從玉曹

植秋胡行亦作機其下總申之曰璿與機同也其訓釋則

或以在璿璿爲在帝位或云觀於機衡而陟帝位或專指

儀器觀天言之今古家說之異也喬樅謂伏生今文祇作

旋機歐陽尚書同大夏侯尚書亦同今本史記漢書之作

璿璿乃後人轉寫者改之其以璇璿玉衡專指儀器觀天

言之則小夏侯之說也

史記五帝紀於是帝堯老命舜攝行天子之政以觀天命舜乃在璿璣玉衡以齊七政

又封禪書尙書在璿璣玉衡以齊七政

又律書曰故璿璣玉衡以齊七政卽天地二十八宿十母十

二子

又天官書曰北斗七星所謂璿璣玉衡以齊七政杓攜龍角

衡殷南斗魁枕參首用昏建者杓杓自華以西南夜半建者衡衡殷中州河濟之間平旦建者魁魁海岱以東北也斗爲

帝車運於中央臨制四鄉分陰陽建四時均五行移節度定

諸紀皆繫於斗

春秋運斗樞曰斗第一天樞第二天樞第三天樞第四權第五衡

第六開陽第七瑤光第一至第四爲魁第五至第七爲杓

又文耀鉤曰斗者天之喉舌玉衡屬杓魁爲旋機

又感精符曰人主含天光據璣衡齊七政

案江聲云諸說皆以旋機玉衡爲北斗雖與大傳不同其

誼實皆是釋天云北極謂之北辰論語爲政篇云譬如北

辰居其所是天體運轉而北辰乃其運轉之中央常居其

處運而不移者故謂之旋機故曰其變幾微而所動者大

也蓋北極者天體左旋之機斗之言主北斗爲恆星之主

恆星隨之而運二萬五千四百一十一年有餘而右旋一

周者也則斗魁爲恆星右旋之機故北極斗魁皆爲旋機

也斗柄則回轉于天如稱之衡故謂之玉衡言玉者蓋取其色白而晶瑩也斗柄所建可以審時王者順天時以出政必察視之故曰在旋機玉衡以齊七政孟子云周公思兼三王以施四事大傳則云周公思兼三王之道以施于春秋冬夏据此則孟子所言三王謂天地人三統四時謂四時之事是帝王用政必參乎三才合乎四時故云春秋冬夏天文地理人道所以爲政也乃俗儒謬解以旋機爲渾天儀以玉衡爲其中橫管所以闕儀者夫天垂象以示人昭然易見豈以聖人之明睿猶不能審而必假機械之器以爲智乎甚者改旋機爲璿璣謂璣衡皆以美玉爲之馬季長亦爲是說與大傳乖異喬樅謂以旋機玉衡爲渾

天儀者蓋小夏侯之說蔡邕云言天體者有三家一曰周髀二曰宣夜三曰渾天惟渾天近得其情又云玉衡長八尺孔徑一寸下端望之以視星宿並縣璣以象天而以衡望之轉璣窺術以知星宿璣徑八尺圓周二寸而強蔡邕書石經用小夏侯今文則其說璇璣玉衡當亦本之小夏侯也揚子法言云或問渾天曰落下閎營之鮮于妄人度之耿中丞象之幾乎幾乎莫之能違也攷閎與妄人皆武帝時人其時渾天儀象尙未鑄作歐陽尚書已立學官張生亦爲博士大夏侯之學傳自先世都尉及始昌隨家法而守師說當亦無變惟小夏侯左右采獲又從五經諸儒問與尚書相出入者牽引以次章句故立說時有不同耳

董仲舒春秋繁露郊祭篇堯謂舜曰天之厯數在爾躬言察身以知天也

說苑辨物篇古者聖王既臨天下必變四時之律厯攷天文揆時變登靈臺以望氣氛故堯曰咨爾舜天之厯數在爾躬

允執其中四海困窮書曰在璿璣玉衡以齊七政璿璣謂北辰句陳樞星也以其魁杓之所指二十八宿為吉凶禍福天文列舍盈縮之占各以類為驗

漢書王莽傳虞帝受終文祖在璿璣玉衡以齊七政

後漢書安帝紀永初二年詔昔在帝王承天理民莫不據璇機玉衡以齊七政

又郎顛傳顛條便宜曰夫大人者與天地合其德與日月合其明旋機動作與天相應

續漢書律歷志元和二年詔曰考在機衡以正厯象庶乎有益

三國魏志文帝紀注引劉廙等言曰堯稱厯數在躬璇璣以明天道○又引魏主上書曰堯禪重華舉其克諧之德舜授

文命采其齊聖之美猶下咨四嶽上觀璿璣

又管甯傳正始二年太僕陶邱一等薦甯曰上正璇璣協和皇極下阜羣生彝倫攸敘

又吳志步騭傳騭上疏曰天子父天母地故宮室百官動法列宿若施政令欽順時節官得其人則陰陽和平七曜循度肆類于上帝禋于六宗望秩于山川徧于羣神

尚書大傳注經曰肆類于上帝禮于六宗望秩于山川徧于羣神

禮記王制正義引尚書大傳曰五嶽視三公四瀆視諸侯其餘山川視伯小者視子男○注云所視者謂其牲幣粢盛籩豆爵獻之數非謂尊卑

案此卽釋秩字之義也又風俗通山澤篇引其餘山川下作或伯或子男大小爲差

說苑辨物篇五嶽者何謂也泰山東嶽也霍山南嶽也華山西嶽也常山北嶽也嵩高山中嶽也五嶽何以視三公能大布雲雨焉能大斂雲雨焉雲觸石而出膚寸而合不崇朝而雨天下施德博大故視三公也四瀆者何謂也江河淮濟也

四瀆何以視諸侯能蕩滌垢濁焉能通百川於海焉能出雲雨千里焉爲施甚大故視諸侯也山川何以視子男也能出物焉能潤澤物焉能生雲雨爲恩多然品類以百數故視子男也書曰禮于六宗望秩于山川徧于羣神

遂類于上帝

史記封禪書尚書曰遂類于上帝禮于六宗望山川徧羣神

案說文帀部云絺帑屬也从一帀絺古文絺虞書曰絺類

于上帝據許言絺爲古文則絺爲今文矣史記漢書引皆作遂者以詰訓代之也肆遂也見大戴禮夏小正傳此古訓也周禮鍾師職杜子春注引呂叔玉國語注亦云肆遂也是肆有遂義或今文尚書有逕作遂字者未可知也

漢書郊祀志虞書曰遂類于上帝禮于六宗望秩于山川徧于羣神

又敘傳述郊祀志云昔在上聖昭事百神類帝禮宗望秩山川

案王莽傳云虞帝受終文祖遂類于上帝禮于六宗望秩

于山川徧于羣神所引與郊祀志同據漢書及說苑辨物

篇與大傳注則經本作望秩于山川而史記所引今文尚

書皆無秩字論衡祭意篇引尚書文亦同蓋歐陽經作望

于山川無秩字與古文尚書合

後漢書光武紀燔燎告天禮于六宗望于羣神

詩皇矣正義引尚書夏侯歐陽說類以事類祭之在南方就

南郊祭之

禮記王制正義引五經異詁夏侯歐陽說以類祭天者以事

類祭之

案許君異詁又引古尚書說非時祭天謂之類謹案周禮

郊天無言類者知類非常祭是從古尚書說說文解字示

部云禴以事類祭天神是用今尚書說詳見歐陽夏侯經

說攷

煙于六宗

尚書大傳曰萬物非天不生非地不載非春不動非夏不長

非秋不收非冬不藏故書曰煙于六宗此之謂也○注云煙

祭也字當爲禋馬氏以爲六宗謂日月星辰泰山河海也月

令天子祈來年于天宗如此則六宗近謂天神也以周禮差之則爲星辰司中司命風師雨師也

洪适隸釋魏受禪碑煙于六宗

案大傳煙字舊作湮先大夫曰路史餘論五云禋于六宗

大傳作煙則事止燔燎據此是大傳字从火旁堊作煙故

鄭注直釋之曰祭也周禮以禮祀祀昊天上帝鄭注云禮

之言煙周人尙臭煙氣之臭聞者是鄭据堯典禮于六

宗之文以解禮也他書誤爲湮字則注語不可通矣史晨

祀孔子廟碑以供煙炰焚穀修西嶽廟記奠柴燎煙西京

賦升高煙于太乙皆作煙字與大傳合

禮記祭法正義引異誼今尙書歐陽夏侯說六宗者上不及

天下不及地旁不及四方居中央恍惚無有神助陰陽變化

有益於人故郊天並祭之

論衡祭意篇尙書曰肆類于上帝禋于六宗望于山川徧于

羣神六宗居六合之間助天地變化王者尊而祭之故曰六

宗

案仲任釋六宗正用歐陽家說段玉裁云六宗諸家說各

不同詳司馬彪祭祀志注劉昭有取於虞喜地祭之說其

言曰堊也者埋祭之言也實瘞埋之異稱非同禋之祭也

夫置字涉神必以今之禋今之禋卽古之神所以社稷諸

字莫不以神爲體虞書不同祀名斯隔周禮改煙音形兩

異虞書加土正合祭義此焉非疑以爲可了按曰虞書不

同曰虞書加土則梁時尙書其字作堊或從俗作堊不作禋也謂堊卽爾雅之祭地曰瘞埋故曰正合祭義劉昭在梁時所据者不同如此喬樅按古文尙書當是作堊字故虞喜說以瘞埋爲解其作煙作禋者三家尙書之異文也馬鄭王古文尙書注皆讀從今文禋字餘詳歐陽夏侯經說攷

何休公羊傳注曰秩者隨其大小尊卑高下所宜禮祭天牲角繭栗社稷宗廟角握六宗五嶽四瀆角尺其餘山川視卿大夫

案邵公以祭天社稷宗廟六宗五嶽四瀆並稱知其解六宗當亦用歐陽夏侯上不及天下不及地旁不及四方在

六合之中爲說也

望于山川辯于羣神

史記五帝紀遂類于上帝禋于六宗望于山川辯于羣神○徐廣曰辯音班○正義曰辯音遍謂遍祭羣神也

案惠棟云樊毅修西嶽廟記云辯于羣神辯亦音班也後漢建武石刻及黃圖元始儀皆云班于羣神江聲曰鄭注儀禮士虞記云古文班或爲辨辨辯字同然則古或以辯爲徧或以辯爲班矣喬樅攷儀禮鄉飲酒鄭注云今文辯皆爲徧大射儀注同是辯爲古字徧乃今字也伏生爲秦博士其所傳尙書時亦兼存古文小篆惟鼂錯所受則寫以隸故歐陽大小夏侯三家今文各有同異或用古字或

皇清經義續編 今文尚書經說攷一上

班于羣神

揚雄太常箴曰稱秩元祀班于羣神

續漢書祭祀志引黃圖載元始儀曰孟春正月上辛上丁

親郊祭天南郊以地配望秩山川班于羣神

揖五瑞既月乃日觀西嶽羣牧班瑞于羣后

史記五帝紀揖五瑞擇吉月日見四嶽諸牧班瑞○集解曰

馬融云揖斂也○五美曰

又封禪書尚書曰輯五瑞擇吉月日見四嶽諸牧還瑞○徐

廣音義曰還一作班

漢書郊祀志虞書曰揖五瑞擇吉月日見四嶽諸牧班瑞○

師古曰揖與輯同合也

案揖尚書正義本作輯惠棟云史記作揖五瑞魏修孔子

廟碑亦云揖五瑞蓋古字皆以揖為輯王鳴盛云國語晉

語君輯大夫就車是揖輯字通江聲曰馬融注又云五瑞

公侯伯子男所執以為瑞信也堯將禪舜使羣牧斂之使

舜親往班之聲謂羣后即四嶽羣牧堯命斂其瑞既乃擇

月日使舜見之而還反其瑞焉使若舜特班之者故言班

瑞非謂舜親往班之也喬樞謂史記五帝紀述堯典文作

揖五瑞見四嶽諸牧則封禪書所引虞書當亦同其作輯

作岳者疑後人依今本尚書改之耳或曰白虎通引尚書

亦作輯五瑞蓋三家今文有作輯者以古字揖輯通用也

白虎通文質篇曰王者始立諸侯皆見何當受法稟正教也
尚書輯五瑞觀四嶽謂舜始卽位見四方諸侯合符信何謂
五瑞謂珪璧琮璜璋也合符信者謂天子執珪以朝諸侯諸
侯執圭以覲天子瑁之爲言冒也土有所覆下有所冒尚書
大傳曰天子執瑁以朝諸侯又曰諸侯執所受圭與璧朝于
天子無過者復得其圭以歸其國有過者畱其圭能正行者
復還其圭三年圭不復少緇以爵

周禮玉人疏引尚書大傳曰古者圭必有冒言不敢專達之
義也天子執冒以朝諸侯見則覆之○注云君恩覆之臣敢
進

陳祥道禮書引尚書大傳曰古者圭必有冒言下之必有冒
不敢專達也天子執冒以朝諸侯見則覆之故冒圭者天子
所與諸侯爲瑞也瑞也者屬也無過行者得復其圭以歸其
國有過行者畱其圭能改過者復其圭三年圭不復少黜以
爵六年圭不復少黜以地九年圭不復而地畢此所謂諸侯
之朝於天子也義則見屬不義則不見屬

